

鈔本丁卯集六卷每卷<sup>數</sup>題康雲陽用晦許  
渾著日新題元信安祝得甫<sup>初</sup>乾<sup>初</sup>年<sup>初</sup>九<sup>初</sup>行<sup>初</sup>十六  
字前有元貞丁未<sup>初</sup>金華王琅序  
後夾首教<sup>初</sup>記如左



卷上七言律 三十三首 五言則 十六首

卷下五言則 六十五首

續集<sup>初</sup>卷上七言詩<sup>初</sup>六<sup>初</sup>首<sup>初</sup>五言句<sup>初</sup>七十八首

續集<sup>初</sup>卷七言則 五十八首

外遺<sup>初</sup>詩七言則 三十三首 內<sup>初</sup>七<sup>初</sup>行<sup>初</sup>十一<sup>初</sup>首 五言則 三十一首

九<sup>初</sup>首<sup>初</sup>教<sup>初</sup>詩<sup>初</sup>一首

通計詩 首以序刻本勘讀一過<sup>初</sup>知<sup>初</sup>分<sup>初</sup>夾

相同此其佳處修補其外其地又在丁卯年上

下夷中見佳處中一方見佳處中一方見佳處中一方共相序刻

之佳處乃指遠修補其外其地又在丁卯年上

比之存兩其地則通之所謂元者多其字亦以

致不足代所折兩見又元者兩一其字如通

。夷中故外身之考兩中及題其山者二其四序

刻兩其字照其本夷上之其地亦則其地每

其上其地與之字亦同其則加周識其旁不則以云

中庚三月廿五日其地畢記 得地記

### 丁卯集序

晚唐詩人排一輩出名家者其佳詞率爾謂

甚感以年以來學者頗多許鄂州其故何也豈

非飽教教偏可則而為一也常規其牧之字許

詩曰劉公雁的玄亦而者不歸水既信海急人

出白頭稀寒 書何處我然肯為暉修其接

駕鶴霄漢共高我既味是詩可不知鄂州見

推行華如期以遠亦止於能詩也審矣何怪後

學後之有者、必欲追其傷軌其惜鄂州自記其

篇自並無板行也而今同志之士每難窺其集、

究行世秘以甫好學不徒大為志於詩一百從宏訪

舊仍得鄂州類書若干卷約五萬言教洛陽  
搜遠仍舊二卷所其勤摯矣謂瑤曰牧之作  
亦不期許鄂州者密而不華拟大書深刻以瘞其  
侍後千載而下庶不似手他也瑤謂鄂州句律之精  
微學詩者當自得之曰甫曰杜曰老杜識之  
元貞丁未夏及金華王瑤書

丁卯詩集卷上目錄

郢州刺史 許 渾 用晦

近體詩

七言律詩一百六十九首

金陵懷古 姑蘇懷古

凌歊臺 驪山

咸陽城東樓 京口閑寄京洛友人

登越王臺懷歸 對雪

送蕭處士歸緱嶺 與韓鄭秀才同舟

長安歲暮 贈茅山高拾遺

答李秀才緘書

贈蕭兵曹

題舒女廟

姑熟官舍

凌歊臺送韋秀才

送盧判官

夜泊永陽戍

鄭侍御廳玩鶴

貽二道者

故杜少保池亭

秋日早朝

滄浪峽

登故洛陽城

寄釋子栖玄

暮宿東溪

雲陽驛西亭蓮池

題勤尊師山居

懷舊居

寄高拾遺

哭虞將軍

韋隱居郊園

酬薛秀才見貽

別劉秀才

次天姥岑

遊李隱居西齋

戲贈楊叡評事

晚回東郭

送楊秀才昆仲

送郭秀才遊天台

送張尊師歸洞庭

寄前李明府

再遊姑蘇玉芝觀

夜歸驛樓

題靈山寺行堅師院

題韋長史山居

贈李伊闕

重遊練湖懷舊

送靈聰上人不及

汴河亭

村舍二首

鄭秀才東歸

傷湖州李郎中

和友人送僧

寄韋中丞

途經敷水

和人賀楊僕射致政

四皓廟

鶴林寺中秋玩月

大庾嶺贈張明府

題衛將軍廟

訪別韋隱居不值

送于明府

聽歌鷓鴣辭

寄題華嚴韋秀才

戲代李協律

送黃隱居歸南海

朝臺送客有懷

晨起泛舟有懷

拜起居表回

觀章中丞夜按歌舞

宿龍池留題

下第貽友人

晚登龍門驛樓

韶陽樓夜讌

寄李相公

遊江令舊宅

灞上逢元處士

別張秀才

別表兄軍倅

題蘇州虎丘寺

酬郭少府見寄

經李氏莊

漢水傷稼

送王總歸丹陽

南陽道中

太和公主歸宮

寄李定言

早秋韶陽夜雨

陪崔公宴海榴堂

贈王山人

獻崔大夫

贈鄭處士

元正

登尉陀樓

韶州驛樓宴罷

和王相公題書齋

送盧先輩二首

哭楊攀處士

寄蘇州一二同志

贈盧山人

從事西湖亭讌餞

瓜洲留別李詡

王秀才見寄

獻韶陽相國崔公

郡齋夜坐寄二姪

病間寄郡中文士

賀少師相公致政

題崔處士山居

讌李秀才

寄準上人

讌錢李負外

訓錢汝州

送李明府

和劉三復送僧歸

送王明府赴任

送沈卓少府

酬邢杜二負外

經故丁補闕郊居

陪崔大夫泛後池二首

留別趙端公

寄陽陵處士

與張道士同訪

寄崔大夫兼簡邢羣

寄殷堯藩秀才

贈河東虞押衙二首

陵陽春日寄舊游

酬杜補闕

送張厚漸東脩謁

酬鄭端公見寄

酬于中丞見寄

寄呈府中羣公

贈元處士

送元晝上人二首

送陸拾遺東歸

題徐明府林館

酬和杜侍御

酬杜侍御重寄

寄獻三川守劉公

送段覺西蜀結婚

遇常州阮秀才

贈閑師

留別李叢秀才

竹林寺別友人

送武處士歸山居

題義女亭

送振武李從事

郊居春日有懷

傷故衛尉李少卿

寄滕郎中

聞邊將劉臯受戮

送薛秀才南遊

寄盧郎中

贈房明先輩

甘露寺感事貽同志

寄道玄上人

客至

經李給事舊居

新興道中

下第有懷親友

中秋夕寄劉尚書

七言絕句二十六首

緱山廟

秋日

寄桐江隱者

送宋處士

聽吹鷓鴣

秦樓曲

學仙 二首

酬康州韋侍御

金谷園

旌儒廟

寄宋次都

夜泊永樂有懷

鴻溝

重經四皓廟 二首

楚宮怨 二首

晨起西樓

酬江西盧端公

途經秦始皇墓

題楞伽寺

贈何處士

經故太尉段公廟

鷺鷥

夏日寄江上親友

丁卯詩集卷上目錄

大字占双行

卷中墨筆據北宋本唐百家詩選後正共於題上加墨圈以別之

增丁卯集卷上廩詩集卷上州刺史丁卯詩集卷上

近體詩 七言雜詩

律詩 律詩

律詩 律詩

律詩 律詩

律詩 律詩

七言律詩一百六十九首 句

二百四十

補五十二

金陵懷古 今建康府

玉樹歌殘 一作愁

王氣終景陽兵合戍

樓空松楸 一作畫

一作楸楸

遠近千官塚禾黍高低六代宮石燕拂雲晴

亦兩江豚吹浪夜還風英雄一去豪華盡惟有

青山似洛中

二百三十九

補五十三

姑蘇懷古 今平江府



宮館餘基輟棹過黍苗無限獨悲歌荒臺麋鹿  
爭新草空苑鳧鷖占淺莎吳岫雨來虛檻冷楚  
江風急遠帆多可憐國破忠臣死日日東流生  
白波

上二

補五十四

凌歊臺

當塗縣西宋高祖築今太平州

宋祖凌高

一作歌

樂未回三千歌舞宿層臺湘潭雲

盡暮山出巴蜀雪消春水來行殿有基荒薺合  
寢園無主野棠開百年便作萬年計岵畔古碑  
空綠苔

上三

上四

驪山

聞說先皇醉碧桃日華浮動一作鬱金袍風隨玉  
輦笙歌迴雲卷珠簾劍佩高鳳駕北歸山寂寂  
龍輿西幸水滔滔娥眉一作沒後巡遊少瓦落宮  
牆見野蒿

上三

上五

咸陽城東

一作西

樓晚眺

南近磻溪西對慈福寺閣

一上高城萬里愁蒹葭楊柳似汀洲溪雲初起  
日沉閣山雨欲來風滿樓鳥下綠蕪秦苑夕蟬  
鳴黃葉漢宮秋行人莫問當年一作前朝事故國東來

渭水流

一作渭水寒行人莫問前朝事光晝夜流渭水寒光晝夜流

上四

上六

京口閑居寄京洛友人

吳門煙月昔同遊，楓葉蘆花並客舟。聚散有期雲北去，浮沉無計水東流。一樽酒盡青山暮，千里書回碧樹秋。何處相思不相見，鳳城宮闕一作龍楚江樓。

上六

上七

冬至登越王臺懷歸

月沉高岫宿雲開，萬里歸心獨上來。河畔雪飛楊子宅，海邊花盛越王臺。瀧分桂嶺魚難過，瘴近衡峯鴈却回。鄉信漸稀人漸老，只應頻看北枝梅。一作看一

上七

上六

對雪

雲度龍山暗綺城，光飛浙瀝引輕盈。素娥冉冉拜瑤闕，皓鶴紛紛朝玉京。陰嶺有風梅艷散，寒林無月桂華清。剡溪一醉十年事，忽憶棹回天未明。

上六

上九

送蕭處士歸緱嶺別業

醉斜烏帽髮如絲，曾看仙人一局碁。賓館有魚爲客久，鄉書無鴈到家遲。緱山住近吹笙廟，湘水行逢鼓瑟祠。今夜月明何處宿，九疑雲盡綠參差。

上九

上十

與鄭二一作韓鄭秀才同舟東至洛中親友

送至景雲寺

三十六峯橫一作一川綠波無路草芊芊牛羊晚  
食鋪平地鷓鴣晴飛磨遠天洛客盡回臨水寺  
楚人皆逐下江船東西未有相逢日更把繁華  
共醉眠

長安歲暮

獨望天門倚劔歌干時無計老關河一作每望青雲  
憶薜蘿長安九

百獨東歸萬里慙張翰西上四年羞卞和花暗楚

城春醉少月涼秦塞夜愁多三山歲歲有人去

惟恐海風生白波一作蓬瀛有路未知  
處張海悠悠空碧波

贈茅山高拾遺

諫獵歸來綺季歌大茅峯影滿秋波山齋留客  
掃紅葉野艇送僧披綠莎長覆舊圖碁勢盡遍  
添新品藥名多雲中黃鵠日千里自宿自飛無  
網羅

李秀才近自塗口遷居新安適枉緘書

乃見寬悲戚因以此荅

遠書開罷更依依晨坐高臺竟落暉顏巷雪深  
人已去庾樓花盛客初歸東堂望絕遷鶯起南  
國哀餘候鴈飛今日勞君猶問訊一官惟長故

山薇

上三  
上四

贈蕭兵曹

廣陵隄上昔離居  
帆轉瀟湘萬里餘  
楚客病時無鵬鳥  
越鄉一作江歸處宋本有鱸魚  
潮生水郭蒹葭響  
雨過山城橘柚踈  
聞說攜琴兼載酒  
邑人爭識一作邛人休羨馬相如

上四  
上五

題舒女廟

山樂來迎去不言  
廟前高柳水禽喧  
綺羅無色雨侵帳  
珠翠有聲風繞幡  
粧鏡尚疑山月滿  
寢屏猶認野花繁  
孤舟夢斷行雲散  
何限離心寄

曉猿

上五  
上六

姑熟官舍

草生官舍似閑居  
雪照南窓滿素書  
貧後始知為吏拙  
病來還喜識人踈  
青雲豈有窺梁燕  
濁水應無避釣魚  
不待秋風便歸去  
紫陽山下是吾廬

上六  
上七

凌歊臺送韋秀才

雲起高臺日未沉  
數村殘照半巖宋本陰野蠶  
成繭桑柘盡溪鳥  
引雛蒲稗深帆勢  
依依投極浦鐘聲  
杳杳隔前林故山  
迢遞故人去一夜  
月

明千里心

上六

送嶺南盧判官罷職歸華陰山居

曾事劉琨鴈塞空十年書劔似一作任飄蓬東堂舊

屈一作有移山志南國新留者煮海功還掛一帆青海

畔更開三逕碧蓮中關西舊一作親友應一作如相問已

許滄浪伴釣翁

上九

將度故城湖阻風夜泊永陽戍

行盡清溪日已蹉雲容山影水差莪樓前歸客

怨清夢樓上美人凝夜歌獨樹高高風勢急平

湖渺渺月明多終期一艇載樵去來往使帆凌

白波

上二

鄭侍御廳翫鶴

碧天飛舞下晴莎金閣瑤池絕網羅品響數聲

風滿樹岸移孤影雪凌波緱山去遠雲霄迴遼

海歸遲歲月多雙翅亦宋本作欲開千萬里祇應棲穩

宋本作穩戀喬柯

上三

南庭夜坐貽開元禪定二道者

暮暮焚香何處宿西巖一室映踈藤光陰難駐

迹如客寒暑不驚心似僧高樹有風聞夜磬遠

山無月見秋燈身閑境靜日為樂若問自宋本作其餘

空一字

非我能

上三

上三二

朱坡故少保杜公池亭

杜陵池榭綺城東孤島回汀路不窮高岫乍疑  
三峽近遠波初似五湖通楸梧葉暗瀟瀟雨菱  
荇花香淡淡風還有昔時巢燕在飛來飛去盡  
堂中一作空

上三

上三三

秋日早朝

宵衣應待絕更籌環珮鏘鏘月下樓井轉輶  
千樹曉鏤開閭闔萬山秋龍輿宋本一作輿盡列趨金  
殿雉肩纜分拜玉旒虛戴鐵冠無一事滄江歸

去老漁

一作老釣魚舟

上三六

上三四

滄浪峽

纓帶流塵髮半霜獨尋殘月下滄浪一聲溪鳥  
暗雲散萬片野花流水香昔日未知方外樂暮  
年初信夢中忙紅蝦青鯽紫芹脆歸去不辭來  
路長

上三

上三五

登故洛陽城

禾黍離離半野蒿昔人城此豈知勞水聲東去  
市朝變山勢北來宮殿高鴉噪暮雲歸古堞鴈  
迷寒雨下空壕可憐縵嶺登仙子猶一作獨自吹笙

醉碧桃

上三六

上三六

聞釋子栖玄欲奉道因寄

欲求真訣戀禪扃羽帔方袍盡有情仙骨本微  
靈鶴遠法心潛動毒龍驚三山未有偷桃計四  
海初傳問菊名今日勸師師莫惑長生難學一作不似  
證無生

上三九

上三九

南海府罷南康阻淺行侶稍稍登陸主  
人燕餞至頻暮宿東溪

晴灘水落漲虛沙灘去秦吳萬里賒一作斜馬上折  
殘江北柳舟中開盡嶺南花離歌不斷如留客

歸夢初驚似到一作別家山鳥一聲人未起半牀風

宋本月在天涯一作到別

上三六

上三六

秋晚雲陽驛西亭蓮池

心憶蓮池秉燭遊葉殘花敗尚維舟煙開翠扇  
清風曉水泛紅衣白露秋神女暫來雲易散仙  
娥初去月難留空懷遠道無持贈醉倚欄干盡  
日愁

上三十一

上三十一

題勤尊師歷陽山居

并序

師即思齊之孫頃為故相國蕭公錄用相國致  
政尊師亦自邊將入道因贈是詩

二十知兵在羽林中  
年潛識子房心  
蒼鷹出岫  
藥氣晚攜棊局帶  
松陰雞籠山上雲  
多處自斲  
黃精不可尋

宋本作塞

塵滅

一作靜

白鶴還鄉楚水深  
春坼酒瓶浮

一作兼

上三十二

上三十一

懷舊居

兵書一篋老無功  
故國郊扉在夢中  
藤蔓覆梨  
張谷暗  
草花侵菊  
庾園空  
朱門跡  
忝登龍  
客白屋  
心期失  
馬翁  
楚水吳山  
何處是  
北窻  
殘月照屏風

張谷暗

一作靜

草花侵菊

一作查

庾園空朱門跡忝登龍

上三十三

上三十二

祇命許昌自郊移居入公館秋日寄茅

山高拾遺

一笛迎風萬葉飛  
強攜刀筆換荷衣  
潮寒水國  
秋砧早月暗  
山城夜漏稀  
巖響遠聞樵客過  
浦深遙送釣童歸  
中年未識從軍樂  
虛近三茅望  
少微

上三十四

上三十三

哭虞將軍

白首從軍未有名  
近將孤劔到江城  
巴童戍久  
能番語  
馬調多解漢行  
對雪夜窮黃石  
略望雲秋計  
黑山程  
可憐身死家猶遠  
汴水東流無  
哭聲



上三十五

上三十三

晚自朝臺至韋隱居郊園

秋來鳧鴈下方塘繫馬朝臺步夕陽村徑繞山  
松葉暗野門臨水稻花香雲連海氣琴書潤風  
帶潮聲枕簟涼西去磻谿猶萬里可能垂白待  
文王

上三十六

上三十四

寓居開元精舍酬薛秀才見貽

知已蕭條信陸沉茂陵扶疾卧西林芟荷風起  
客堂靜松桂月高僧院深清露下時傷旅鬢白  
雲歸處寄鄉心勞一作君詩思一作猶相憶題在一作  
空齋夜夜一作吟一作吟一作吟

上三十七

補四十三

別劉秀才

三獻無功玉有瑕更攜書劍客天涯孤帆夜別  
瀟湘雨廣陌春期鄂杜花燈照水螢千點滅棹  
驚灘鴈一行斜關河萬里一作秋風急望見鄉山  
不到家

上三十六

補四十四

早發天台中巖寺度關嶺次天姥岑

來往天台天姥閒欲求真訣駐衰顏星河半落  
巖前寺雲霧初開嶺上一作關丹壑樹高宋本風  
浩浩碧溪苔淺水潺潺可知劉阮逢人處行盡  
深山又是山

上三九

補四十五

遊錢塘青山李隱居西齋

小隱西亭為客開翠蘿深處遍蒼一作蒼苔林閒掃

石安棋局巖下分泉遞酒杯蘭葉露光秋月上

蘆花風起夜潮來雲山遶屋猶嫌淺欲棹漁舟

近釣臺

上四

補四十六

春日郊園戲贈楊叔評事

十里蒹葭入薜蘿春風誰許暫鳴珂相如渴後

狂還減曼倩飢來語更多門枕碧溪水皓耀檻

齊青嶂雪差栽野橋沽酒茅簷醉誰羨紅樓一

曲歌

上五

補四十七

晚自東郭回留一二遊侶

鄉心迢遞宦情微吏散尋幽竟落暉林下草腥

巢鷺宿洞前雲濕雨龍歸鐘隨野艇回孤棹鼓

絕山城掩半扉今夜西齋好風月一瓢春酒莫

相違

上六

補四十八

與鄭秀才叔姪會送楊秀才昆仲東歸

書劒功遲白髮新異鄉仍送故鄉人阮公留客

竹齋曉田氏到家荆樹春雪盡塞鴻南東翥少風

來馬北嘶頻洞庭煙月如終老誰是長楊諫

獵人

古三

補四九

送郭秀才遊天台 并序

余嘗與郭秀才同翫朱審盡天台山圖秀才因遊是山題詩贈別焉

雲埋陰壑雪凝峯半壁天台已萬重人度碧溪疑輟棹僧歸蒼嶺似聞鐘暖眠鷄鵲晴難草高掛獼猴暮澗松曾約舊宋本作共遊今獨去赤城西面水溶溶

古四

補五十一

送張尊師歸洞庭

能琴道士洞庭西風滿歸帆路不迷野宋本作對岸水花霜後淺傍簷山果雨來低杉松近晚移茶竈

古五

補五十二

移攝太平寄前李明府

巖谷初寒蓋藥畦他日相思兩行字無人知處武陵溪

病移一作多巖邑稱閑身何處風光貫酒頻溪柳遶門彭澤令野花連洞武陵人嬌歌自駐壺中景艷舞長留海上春早晚高臺更同醉綠蘿如帳草如茵

古六

補五十五

再遊姑蘇玉芝觀

高梧一葉下秋初迢遞重廊舊一作來說寄居月過碧窓今夜酒雨昏紅壁去年書玉池露冷芙蓉淺

瓊樹風高一作金井煙分薜荔踈明日掛帆一作從此扁舟更東去  
仙翁應笑爲鱸魚

上

補五十六 夜歸驛樓

水晚雲秋山不窮自疑身在畫屏中孤舟移棹  
一江月高閣卷簾千樹風窓下覆碁殘局在橘  
邊沽酒半壘空早炊香稻待鱸膾南渚未明尋  
釣翁

上

補五十七 題靈山寺行堅師院

西巖一徑不通樵八十持盃未覺遙龍在石潭  
聞夜雨鴈移沙渚見秋潮經函露濕文多一作豈暗

香印風吹字半一作欲銷應笑東歸又南去越山無  
路水迢迢

上

補五十八 題韋長史山居

一官唯買畫公堂但得身閑日自長琴曲少聲  
重勘譜藥丸多忘更尋方溪浮箬葉添盃綠泉  
遶松根助茗香明日鱖魚何處釣門前春水似  
滄浪

上

續上一 贈李伊闕并序

前伊闕李師晦侍御辭秩歸山過余所止醉圖  
二室于屋壁亦招隱之旨也因而有贈焉

桐履如飛不可尋一壺雙笈嶧陽琴舟橫野渡  
寒風急門掩荒山夜雪深貧笑白駒無去意病  
慙黃鵠有歸心雲間二室勞君畫水墨蒼蒼半  
壁陰

上五十二

續上二

重遊練湖懷舊

并序

余嘗與故宋補闕次都秋夕遊練湖亭今復登  
賞愴然有感因賦是詩

西風渺渺月連天同醉蘭舟未十年鵬鳥賦成  
人已沒嘉魚詩在世空傳榮枯盡寄浮雲外哀  
樂猶驚逝水前日暮長隄更回首一聲隣笛舊

山川

作蟬續  
聲蟬

上五十三

續上三

乘月棹舟送大曆寺靈聰上人不及

萬峯秋盡百泉清舊鎖禪扉在赤城楓浦客來  
煙未散竹窓僧去月猶明杯浮野渡魚龍遠錫  
響空山虎豹驚一字不留何足訝白雲無路水  
無情

上五十四

續上四

汴河亭

廣陵花盛帝東遊先劈崑崙

一作  
黃河

一派流百二禁

兵辭象闕三千宮女下龍舟凝雲鼓震星辰動  
拂浪旗宋本  
作旌開日月浮四海義師歸有道迷樓還

似一作何異景陽樓

上五十四

續上五

村舍二首

自剪青莎織雨衣南峯一作村煙火是柴扉萊一作山妻

早報一作起蒸梨熟童子遙迎種豆歸魚下碧潭當

鏡躍鳥還青嶂拂屏飛花時未免人來往欲買

嚴光舊釣磯

尚平多慮宋本作累自歸一作休難一日身閑一作深居一日安山

徑有或作晚雲收獵網水門一作庭無月掛魚竿花閒酒

氣春風遠宋本作暖竹裏碁聲夜雨寒三頃水田秋更

熟北窓誰拂舊塵冠

上五十六

續上七

鄭秀才東歸憑達家書

欲寄家書少客過閉門心遠洞庭波兩巖花落

夜風急一逕草荒春雨多愁泛楚江吟浩渺憶

歸吳岫夢差峩貧居不問應知處溪上閑船一作扁舟

繫綠蘿

上五十七

續上六

傷湖州李郎中

政成身歿共興哀鄉路兵戈旅櫬回城上暮雲

凝鼓角海邊春草閉池臺經年未葬佳人散昨

夜因齋故吏來南北相逢皆掩泣一作欲過洞庭還倚棹白蘋

洲暖一作百花開

上六

續上九

和友人送僧歸桂州靈巖寺

楚客送僧歸桂陽海門帆勢極或作隔瀟湘碧雲

千里暮愁合白雪一聲春思長柳絮擁堤添衲

軟松花浮水注瓶香南宗長老幾年別聞道半

巖多影堂

上九

續上十

淮陰阻風寄楚州韋中丞

垂釣京江欲白頭江魚堪釣却西遊劉伶臺下

稻花晚韓信廟前楓葉秋淮月未明先倚檻海

雲初起更維舟河橋有酒無人醉獨上高城望

庾樓

上

續上十

途經敷水

脩蛾顰翠倚柔桑遙謝春風白面郎五夜有情

隨暮雨百年無節待秋霜重尋繡帶朱藤合更

認羅裙碧草長何處野花何處水下峯流出一

渠香

上

續上十二

和人賀楊僕射致政

并序

祠部楊員外以僕射楊公拜官致仕舊府賓僚

及門生合燕申賀飲後書事因和呈

蓮府

一作龍闕

公卿拜後塵手持優詔掛朱輪從軍幕

下三千客聞禮庭中七十人飾或作錦帳麗詞推北

序及行低一格

巷畫堂清樂掩南隣豈同王謝山陰會空叙流  
盃醉一作暮春

上六十二

續上十三

四皓廟

桂香松暖廟門開獨瀉椒漿奠一杯秦法欲與  
鴻已去漢儲將廢鳳還來紫芝翳翳多青草白  
石蒼蒼半綠苔山下驛塵南竄路不知冠蓋幾  
人回

上六十三

續上十四

鶴林寺中秋夜玩月

待月東林月正圓廣庭無樹草無煙中秋雲盡  
出滄海半夜露寒當碧天輪彩漸移金殿外鏡

光猶掛玉樓前莫辭達曙慙慙望一墮西巖又  
隔年

上六十四

續上十五

南海府罷歸京口經大庾嶺贈張明府

樓船旌旆極天涯一劔從軍兩鬢華回日眼明  
河畔草宋本去時腸斷嶺頭花陶詩盡寫行過縣

張賦初成卧到家官滿知君有歸處姑蘇臺上

一作吳王宮殿舊煙霞

上六十五

續上十六

題衛將軍廟 并序

將軍名逸陽羨人少習詩書學弓劍有武略二  
十七遊并汾間遇神堯皇帝始建義旗逃以勇

序以行低一格



藝進備行列泊擒竇建德逃時挾鎗劍前突後  
翼太宗顧而奇之天下既定錄其功拜將軍宿  
衛以母老病且乞歸侍殘年辭旨哀激詔許之  
既而以孝敬睦閨門以然信居鄉里及卒邑人  
懷其賢廟宇荆溪之湄以平生弓甲懸東西廡  
下歲時祠祭頗福其土焉文士王敖教撰碑辭實  
詳備惜乎國史缺書其人因題是詩于廟壁  
武牢關下護龍旗挾槊一作彎弓馬上飛漢業未  
興王霸在秦軍纜散魯連歸墳穿大澤埋金劍  
廟枕長溪掛鐵衣一作忠魂何處問葦花楓

葉雨霏霏

上卷六

訪別韋隱居不值并序

余行至雙巖溪訪韋隱居已榜舟詣開元寺水  
閣見送棹回已晚因題是詩留別

犬吠雙巖碧樹間主人朝出半開關湯師閣上  
留詩別杜叟橋邊載酒還櫟塢炭煙晴過嶺蓼  
村漁火一作夜移灣故鄉蕪沒兵戈後憑向溪南  
買一山

上卷七

續上六 送前東陽于明府由鄂渚歸故林

結束征車換黑貂灞西風雨正瀟瀟茂陵久病

書千卷彭澤初歸酒一瓢帆背夕陽溢水闊棹  
經滄海甌山遥殷勤為謝南溪客白首螢窓未

作華門誰見招一作華門誰見招

上九 續上九 聽歌鷓鴣辭并序

余過陝州夜讌將罷妓人善歌鷓鴣者詞調清  
怨往往在耳因題是詩

南國多情多艷詞鷓鴣清怨遶梁飛甘棠城上  
客先醉苦竹嶺頭人未歸響轉碧霄雲駐影曲  
終清漏月沉暉山行水宿不知遠猶夢玉釵金  
縷衣

上十 續上十 寄題華嚴韋秀才院

三面樓臺百丈峯西巖高枕樹重重晴攀翠竹

一作葉題詩滑秋摘黃花釀酒濃山殿日斜喧鳥雀

石潭波靜宋本作動戲魚龍今來故國遥相憶月照千

山半夜鐘

上十一 續上十一 戲代李協律松江有贈

蜀客操琴吳女歌明珠十斛是天河霜凝薜荔

怯秋樹露滴芙蓉愁晚波蘭浦遠鄉應解佩柳

堤殘月未鳴珂西樓沉醉不知散潮落洞庭洲

渚多

上七十三 續上三三 送黃隱居歸南海

瘴霧南邊久寄家海中來往信流槎林藏鷺音弗  
鷺多殘笋樹過猩猩少落花深洞有雲龍蛻骨  
半巖無草象生牙知君愛宿層峯頂坐到三更  
見日華

上七十三 續上三三 朝臺送客有懷

趙佗西拜已登壇馬援南征土宇寬越國舊無  
唐印綬蠻鄉今有漢衣冠江雲帶日秋應熱海  
雨隨風夏亦寒嶺北歸人莫回首蓼花楓葉萬  
重灘

上七十四 續上三十四 自楞伽寺晨起汎舟道中有懷

碧樹蒼蒼茂苑東佳期迢遞路何窮一聲山鳥  
曙雲外萬點水螢秋草中門掩竹齋微有月棹  
移蘭渚淡無風欲知此路堪惆悵菱葉蓼花連  
故宮

上七十五 續上三十五 十二月拜起居表回

一章西奏拜仙曹回首宋本作馬天津北望勞寒水欲  
春冰彩薄曉山初霽雪峯高樓形向日攢飛鳳  
宮勢凌波歷斷鰲空鎖煙霞絕巡幸周人誰識  
鬱金袍

上七六

續上三六 觀章中丞夜按歌舞

夜按雙娃禁曲新東西簫鼓接雲一作華津舞衫未  
換紅鉛濕歌扇初移翠黛顰彩檻燭煙光吐日  
畫屏香霧暖凝春西樓月在襄王醉十二山高  
不見人

上七七

續上三七 重遊飛泉觀題故梁道士宿龍池

西巖泉落水容寬靈物蜿蜒黑處蟠松葉正秋  
琴韻響菱花初曉鏡光寒雲開星月浮山殿雨  
過風雷繞石壇仙客不歸龍亦去稻畦長滿此  
池乾

上七八

續上三六 下第貽友人

身在關西家洞庭夜寒歌苦燭作孤熒熒人心高  
下月中桂客思往來波上萍馬氏識君眉最白  
阮公留我眼長青花前失意共寥落莫遣東風  
吹酒醒

上七九

續上三九 晚登龍門驛樓

魚龍多處鑿門開萬古人知夏禹材青嶂遠分  
從地斷洪流高瀉自天來風雲有路皆燒尾波  
浪無程盡曝腮心感膺門身過此晚山秋樹獨  
徘徊

宋本此下有寄桐江隱者送宋  
志士七絕二首 送古景宗序  
同

六十二 續上三十一 韶州韶陽樓夜讌

待月西樓捲翠羅  
玉盃瑤瑟近星河  
簾前碧樹窮秋密  
窻外青山薄暮多  
鸚鵡未知狂客醉  
鷓鴣先讓美人歌  
使君莫惜通宵飲  
刀筆初從馬伏波

六十三 續上三十二 聞韶州李相公移宋本有拜字郴州因寄

詔移丞相木蘭舟  
桂水潺湲嶺北流  
青漢夢歸雙闕曙  
白雲吟過五湖秋  
恩回玉宸人先喜  
道在金滕世不憂  
聞說公卿盡南望  
甘棠花暖鳳池頭

六十六 續上三十三 游江令舊宅

身没南朝宅已荒  
邑人猶賞舊風光  
芹根生葉石池淺  
桐樹落花金井香  
帶暖山蜂巢盡閣  
欲陰溪燕集書堂  
閑愁此地更西望  
一作回首潮浸臺城春草長

六十七 續上三十三 灞上逢元處士東歸

瘦馬頻嘶灞水寒  
灞南高處望長安  
何人更結王生襪  
此客虛彈貢氏冠  
江上蟹螯沙渺渺  
塢中蝸殼雪漫漫  
舊交已變一作盡新知少  
却伴漁郎

宋本作鮑把釣竿

上九

續上三十四

別張秀才并序

余與張秀才同出關至陝府余取南道至宋本作止洛  
 下張由北路抵江東因幕中餞讌遂賦詩以別  
 不知何計寫離憂萬里山川半舊遊風捲暮沙  
 和雪起日融春水帶冰流凌晨客淚分東郭竟  
 夕鄉心共北樓青桂一枝年少事莫因鱸膾涉  
 窮秋

上九十一

續上三十五

別表兄軍倅

并序

余祇命南海至廬陵逢表兄軍倅奉使淮海別  
 後却寄是詩

上九十二

續上三十六

題蘇州虎丘寺僧院

盧橘花香拂釣磯佳人猶舞越羅衣三洲水淺  
 魚來少五嶺山高鴈到稀客路晚依紅樹宿鄉  
 關朝望白雲歸交親不念征南吏一作客昨夜風帆  
 去似飛

暫引寒泉濯遠塵此生多是異鄉人荆溪夜雨  
 花開疾吳苑秋風月滿頻萬里高低門外路百  
 年榮辱夢中身世閒誰似西林客一卧煙霞四  
 十春

上九十三

續上三十七

酬郭少府先奉使巡潞見寄兼呈裴明

府

載書攜榼別池龍十副宋本輕帆處處通謝眺宅

荒山翠裏王敦城古月明中江村夜漲浮天水

澤國秋生動地風飽食鱸一作鱸魚榜歸檝待君琴

酒醉陶公

上九十四 續上三十八 出永通門經李氏莊

飛軒危檻百花堂朝讌歌鐘暮已荒中散獄成

琴自怨步兵厨廢酒猶香風池宿鳥喧朱閣雨

砌秋螢拂畫梁力保山河家又慶祇應中令敵

汾陽

上九十九 續上三十九 漢水傷稼并序

此郡雖自夏無雨江邊多稼宋本油然可觀秋八

月天清日朗漢水泛濫宋本人實為灾軫念疲羸

因賦四韻

西北樓開四望通殘霞成綺月懸弓江村夜漲

浮天水澤國秋生動地風高下綠苗千頃盡新

陳紅粟萬箱一作空才微分薄憂何益却欲回心

學釣翁

上九十七 續上四十一 送王總下第歸丹陽

秦樓心斷楚江湄繫馬春風酒一卮汴水月明

序及行依一格 濫誤艦

東下疾練塘花發北來遲青蕪定沒安貧處黃  
葉應催獻賦詩宋本馮寄家書爲一作回報舊居  
還有故人知

上九六 南陽道中

月斜孤館傍村行野店高低帶古城籬上曉花  
齋後落井邊秋葉社前生飢烏索哺隨雛叫乳  
特慵歸望犢鳴荒草連天風動宋本地不知誰學  
武侯耕

上九七 破北虜太和公主歸宮闕

毳幕承秋極斷蓬飄颻一劍黑山空匈奴北走

荒秦壘貴主西還盛漢宮定是廟謨傾種落必  
知邊寇畏驍雄恩沾殘類從歸去莫使宋本華人  
雜犬戎

上九八 李定言自殿院銜命歸闕拜外郎俄遷

右史因寄

白筆南征變二毛越山愁瘴海驚濤纔歸龍尾  
含雞舌更立螭頭運一作兔毫閭闔欲開宮漏盡  
冕旒初坐御香高吳中舊侶一作君先貴曾憶王  
祥與佩刀

上九 早秋韶陽夜雨

續上四三



宋玉含悽夢亦驚芙蓉山響一猿聲陰雲迎一作疑  
雨枕先潤夜電引雷窓暫明暗惜水花飄廣檻  
遠愁風葉下高城西歸萬里未千里應到故園  
春草生

上三

續上四

將爲南行陪尚書崔公宴海榴堂

朝讌華堂暮未休幾人偏得謝公留風傳鼓角  
霜侵戟雲卷笙歌月上樓賓館盡開徐穉宋本作穉  
榻客帆空戀李膺舟謾誇書劍無歸處水遠山  
長步步愁

上三

續上四

贈王山人

貫酒攜琴訪我頻始知城市有閑人君臣藥在  
寧憂病子母錢成豈患貧年宋本作長每勞推甲子  
夜寒初共守庚申近來聞說燒丹處玉洞桃花  
萬樹春

上三

續上四

宣城崔大夫召聯句偶疾不獲赴因獻

心慕知音命自拘畫堂聞欲試吹竽茂陵罷酒  
慙中聖漳浦題詩怯大巫鬢鬣幾年傷在藻羽  
毛終日羨棲梧還愁旅棹空歸去楓葉荷花釣  
五湖

上三

續上四

贈鄭處士

道傍年少莫矜誇，心在重霄鬢未華。楊子何曾過北里，魯人何必敬東家。寒雲曉散千峯雪，暖雨晴開一徑花。且賣湖田釀春酒，與君書劔是生涯。

上頁

續上四八元正

高揭雞竿闡帝闈，祥風微暖瑞雲屯。千官共削姦臣跡，萬國初銜聖主恩。宮殿雪華齊紫閣，關河春色到青門。華夷一軌人方泰，莫學論兵誤至尊。

上頁

續上四九

登尉佗樓

劉項持兵鹿未窮，自乘黃屋島夷中。南來作尉任囂力，北向稱臣陸賈功。簫鼓尚陳宋本今世廟，旌旗猶鎖宋本昔時宮。越人未必知虞舜，一奏薰絃萬古風。作鎖

上頁

續上五

韶州驛樓宴罷

簷外干帆背夕陽，歸心杳杳鬢蒼蒼。嶺猿群宿夜山靜，沙鳥獨飛秋水涼。露墮桂花碁局濕，風吹荷葉酒瓶香。主人不醉下樓去，月在南軒更漏長。

上頁

續上五十一

和淮南王相公與賓僚同遊瓜洲別業

題舊齋

宋本有齋書定

碧油紅旆想青衿積雪窓前盡日吟巢鶴去時  
雲樹老卧龍歸處石潭深道傍苦李猶垂實城  
外甘棠已布陰賓御莫辭巖下醉武丁高枕待  
爲霖

音十

續上五十二 送盧先輩自衡岳赴復州嘉禮二首

名振金閨步玉京暫留滄海見高情衆花盡處  
松千尺羣鳥喧時鶴一聲朱閣簟涼疎雨過碧  
溪船動早潮生離心不異西江水直送征帆萬  
里行

音十一

其二

湖南詩客海中行鵬翅垂雲不自矜秋水靜磨  
金鏡土夜風寒結玉壺冰萬重嶺嶠辭衡岳千  
里山陂問竟陵醉倚西樓人已遠柳溪無浪月  
澄澄

音十二

續上五十四 哭楊攀處士

先生憂道樂清貧白髮終爲不仕身嵇阮沒來  
無酒客應劉亡後少詩人山前月照孤墳曉溪  
上花開舊宅春昨夜回舟更惆悵至今鐘磬滿  
南隣

音十五

續上五十五 宿望亭館寄蘇州一二同志

候館人稀夜自一作更長姑蘇城遠樹蒼蒼江湖水  
落高樓迴河漢秋歸廣簟涼月轉碧梧移鵲影  
露低紅葉濕螢光西園詩侶應多思莫醉笙歌  
掩畫堂

音六

續上五十六 廬山人自巴蜀由湘潭歸茅山因贈

太乙靈方鍊紫荷紫荷飛盡髮皤皤猿啼巫峽  
曉雲薄鴈宿洞庭秋月多導引豈如桃葉舞步  
虛寧比竹枝歌華陽舊隱莫歸去水沒芝田生  
綠莎

音七

續上五十七 穎州從事西湖亭讌餞

西湖清讌不知回一曲離歌酒一杯城帶夕陽  
聞鼓角寺臨秋水見樓臺蘭堂客散蟬猶噪桂  
檝人稀鳥自來獨想征車過鞏洛此中霜菊遶  
潭開

音六

續上五十八 瓜洲留別李詡

泣玉三年一見君白衣憔悴更離羣楊堤惜別  
春潮晚花榭留歡夜漏分孤館宿時風帶雨遠  
帆歸處水連雲悲歌曲盡莫重奏心遶關河不  
忍聞

音九

續上五十九 余謝病東歸王秀才見寄今潘秀才南

棹奉訓

酷似牢之玉不如落星山下白雲居春耕旋構  
金門客夜學兼脩玉府書風掃碧雲迎鷺鳥水  
還滄海養嘉魚莫將年少輕時節王氏家風在  
石渠

上言十

續上六

獻韶陽相國崔公

一匱為功極九層康莊猶自劔一作獨稜稜舟回北  
渚經年泊門接東山盡日登萬國已聞傳玉璽  
百官猶望啟金滕賢良會致唐虞世獨倚江樓  
笑范增

上言五

續上六十一

郡齋夜坐寄舊鄉二姪

千官奉職袞龍垂旅卧淮陽鬢宋本一作已衰三月已  
垂棠樹政二年空負竹林期樓侵白浪風來遠  
城抱丹巖日到遲長欲掛帆君莫笑越禽花晚  
夢南枝

上言六

續上六十二

病間寄郡中文士

盧橘含花處處香老人依舊卧清漳心同客舍  
驚秋早跡似僧齋厭夜長風卷翠簾琴自響露  
凝朱閣簟先涼明朝欲醉文中彥猶覺吟聲帶  
越鄉

音三上續上六十三 賀少師相公致政 并序

少師相公未及懸車之年 宋本有表二字 乞罷將相徵于

近代更無比肩余受恩門館竊抒長句寄獻

六十懸車自古稀我公年少獨忘機門臨二室

留侯隱棹倚三川越相歸不擬優游同陸賈已

回清白遺胡威龍城鳳詔棠陰在只恐歸鴻 宋本表作冥

更北飛

音三上續上六十四 題崔處士山居

坐窮今古掩書堂二頃湖田一半荒荆樹有花

兄弟樂橘林無實子孫忙龍歸曉洞雲猶濕麝

過春山草自香向夜欲歸心萬里故園松月更  
蒼蒼

音三上續上六十五 疾 宋本表作病 後與郡中群公讌李秀才

強留嘉客讌王孫巖上餘花落酒樽書院欲開

蟲 宋本表作塵 網戶訟庭猶掩雀羅門耳虛盡日疑琴癖

眼暗經秋覺鏡昏莫引劉安倚西檻夜來紅葉

下江村

音三上續上六十六 晨起白雲樓寄龍興江準上人兼呈竇

秀才 秀才方自竟陵回

茲樓今是望鄉臺鄉信全稀曉鴈哀山翠萬重

序以行低一格

當檻出水華千里抱城來東巖月在僧初起南  
浦花殘客已回欲弔靈均能去否秋風還有木  
蘭開

上音三十三續上六十七

譙餞李貞外 并序

李羣之負外從事荆南尚書楊公詔徵赴闕俄  
為淮南相國杜公辟命自漢上舟行至此郡于  
雲樓醺罷解纜阻風却回因贈

病守江城眼暫開昔年吳越共銜盃膺舟出鎮  
虛陳榻鄭履還京下隗臺雲葉漸低朱閣掩浪  
花初起畫檣回心期解印同君醉九曲池西望

月來

上音三十五

續補一

訓錢汝州 并序

汝州錢中丞以渾赴郢城見寄佳什恩憐過等  
寵飾逾深雖吟詠忘疲實楷模不及輒率荒淺  
依韻獻訓

白雪多隨漢水流漫勞旌旆晚悠悠笙歌暗寫  
終年恨臺榭潛消盡日憂鳥散落花人自醉馬  
嘶芳草客先愁怪來雅韻清無敵三十六峯當  
庾樓

上音三十六

補二

將歸姑蘇南樓餞送李明府

序以行低一格

續上終

無處登臨

一作樓

不繫情一憑

一作瓶

春酒醉高城暫移

羅綺見山色

一作繞

駐管絃聞水聲花落西亭添別

夢

一作退

柳陰南浦促歸程前期迢遞今宵短更倚

朱欄待月明

音三六

補三

和浙西從事劉三復送僧南歸

楚客送僧歸故鄉海門帆勢極瀟湘碧雲千里  
暮愁合白雪一聲春思長開院草花平講席繞  
龕藤葉蓋禪床憐師不得隨師去已戴儒冠事

素王

前半篇與和友人送僧歸桂州靈巖寺詩同

音三六

補四

送上元王明府赴任

莫言名重懶驅雞六代江山碧海西日照蒹葭  
明楚塞煙分楊柳見隋堤荒城樹暗沈書浦舊  
宅花連罨畫溪官滿定知歸未得九重霄漢有  
丹梯

音四一

補五

送沈卓少府任江都

或作趙嘏詩

煬帝都城春水邊笙歌夜上木蘭船三千宮女  
自一作且塗地十萬人家如洞天艷艷花枝官舍晚  
重重雲影寺墻連少年作尉須兢慎莫向樓前

隊

宋本作墮

馬鞭

補六

酬邢杜二員外

并序

此下空六行接邢杜一首  
音四一  
音四二



新安邢真外懷洛下舊居新定杜真外思關中故里

宋本有各蒙緘示因寄三詩以酬于定

雪帶東風洗畫屏客星懸處聚文星未歸嵩嶺暮雲碧久別杜陵春草青熊軾並驅因宋本雀噪隼旗齊駐是鴻冥豈知京洛舊親友夢繞潺湲江上亭

言四十三

補七

經故丁補闕郊居

死酬知己道終全波暖孤冰且自堅鵬上承塵纔一日鶴歸華表已千年風吹藥蔓迷樵徑雨暗蘆花失釣船四尺孤墳何處是闔閭城外草

鵬誤鵬

連天

言四十四

補八

陪宣城大夫崔公汎後池兼北樓讌二

首

陪泛芳池醉北樓水花繁艷照膺舟亭臺陰合樹初晝絃管韻高山欲秋皆賀號巖終選傳自傷燕谷未逢鄒昔時恩遇今能否一尉滄洲已

白頭

言四十五

其二

江上西來共鳥飛翦荷浮泛似輕肥王珣作簿公曾喜劉表為邦客盡依雲外軒窓通早景風前簫鼓送殘宋本暉宛陵行樂金陵住遙對家山

未憶歸

上音四六

補十

留別趙端公

并序

余行次鍾陵府中諸公宴餞趙端公曉赴郡齋宿約予來且整棹因留別

海門征棹越龍瀧暫寄華筵倒玉缸簫鼓散時逢夜雨綺羅分處下秋江孤帆已過滕王閣高榻留眠謝守窓却願煙波阻風雪待君同拜碧油幢

上音四六

補十一

寄陽陵處士

舊隱青山紫桂陰一書迢遞寄歸心謝公樓上

晚花盛楊子宅前春草深吳岫雨來溪鳥浴楚江雲暗嶺猿吟野人寧憶滄洲畔宋本一作伴會待吹噓定至音

上音四六

補十二

與張道士同訪李隱居不遇

千巖萬壑獨攜琴知在陵一作龍陽不可尋去轍已

平秋草遍空一作寒齋長掩暮雲深霜寒橡栗留一作

霜嚴枳橋供山鼠月冷菰蒲散水禽惟有西隣宋本一作林張

仲蔚坐來同愴別離心

上音四六

補十三

聞州中有讌寄崔大夫兼簡邢羣評事

簫鼓宋本一作管筵間列翠娥玉杯金液耀金波池邊

雨過飄帷幕海上風來動綺羅顏子巷深青草  
遍庾君樓迴碧山多甘心不及同年友卧聽行  
雲一曲歌

上音辛

補十四

寄殷堯藩秀才

十載功名翰墨林爲從知己信沉沉青山有雪  
諳松性碧落無雲稱鶴心帶月獨歸蕭寺遠玩  
花頻醉庾樓深思君一見如瓊樹空把新詩盡

日吟

上音辛

補十五

贈河東虞押衙二首

永興公孫亦善書

長劔高歌換素衣君恩未報不言歸舊精一作工

烏篆諳書體新授龍韜識戰機萬里往來征馬  
瘦十年離別故人稀平生志氣何人見空上西  
樓望落暉

上音辛

吳門風水

其二

落萍流月滿花開嬾獨遊萬里山川

分曉夢四隣歌管送春愁昔年顧我長青眼今  
日逢君盡白頭莫向罇前更惆悵古來投筆總  
封侯

上音辛

補十七

陵陽春日寄汝洛舊游

百年身世似飄蓬澤國移家疊嶂中萬里綠一作頃碧  
波魚戀釣九重青漢鶴愁籠西池水冷春巖雪

南浦一作陌花香曉樹風縱有一作酌芳樽心不醉故人  
多在洛城東

音五四

補六

酬杜補闕初春雨中泛舟次橫江喜裴  
郎中相迎見寄

江館維舟爲庾公暖波微淥雨濛濛紅檣迤邐  
春巖下朱旆聯翩曉樹中柳滴圓波生細浪梅  
含香艷吐輕風郢歌莫問青山吏一作客魚在深池  
鳥在籠

音五五

補九

送張厚浙東脩謁

涼露清蟬柳泊空故人遙指浙江東青山有雪

松當澗碧落無雲鶴出籠齊唱離歌愁晚月獨  
看征棹怨秋風定知洛下聲名士共說膺門得  
孔融

音五六

補十

酬副使鄭端公見寄

一日高名遍九州玄珠仍向道中求郢中白雪

慙新唱塗上青山憶舊遊

端公頃在當塗縣青山別墅  
肄業予嘗守邑因沐見知也

笙磬有文終易別珠璣無價竟難酬柳營迢遞

江風闊夜夜孤吟月下樓

音五七

補十一

酬綿州于中丞使君見寄

故人書信越褒斜新意雖多舊約賒皆就一麾

先去國共謀三徑未還家荆巫夜隔巴西月鄢  
郢春連漢上花半月離居猶悵望可堪垂白各  
天涯

音六

補三

春早郡樓書事寄呈府中群公

兩鬢垂絲髮半霜石城孤夢繞襄陽鴛鴻幕裏  
蓮披檻虎豹營中柳拂牆畫舸欲行春水急翠  
簾初捲暮山長峴亭風起花千片流入南湖盡  
日香

音九

補三

元處士自洛歸宛陵山居見示詹事相

公餞行之什因贈

紫霄峯下絕韋編舊隱相如結鞵前

元君舊隱廬山學易常為相國

師服月落尚留東閣醉風高還憶北窓眠江城夜

別瀟瀟兩山檻晴歸漠漠煙一頃豆花三頃竹

想應宋本拋却釣魚船

補二四送元晝上人歸蘇州兼寄張厚二首

自卜閑居荆水幽一作頭感時相宋本別思悠悠一罇

酒盡青山暮千一作萬里書回碧樹秋深巷久貧知

一作長寂寞小詩多病尚一作也風流晝公此去應相問

為說沾巾一作衣憶舊游

音空

二年無事客吳鄉南陌春園碧草長共醉八門

回畫舸獨還三逕掩書堂前山雨過池塘滿小  
院秋歸枕簟涼經歲別離心自苦何堪黃葉落  
清漳

上音三上

送陸拾遺東歸

獨振儒風一作負才名遇盛時紫泥初出一作降世人知文

一作封章報主非無意書劔還家素有期秋寺卧雲

移棹晚暮江一作天乘月落帆遲東歸自是緣清興

莫比商山詠紫芝

上音五上三

湖宋本南徐明府予之南隣久不還家因

題林館

湘南官滿不歸來高閣經年掩綠苔魚溢池塘  
秋雨過鳥還洲島暮雲回階前石穩棋終局窻  
外山高酒滿杯借問先生在何處一籬踈菊又  
花開

上音六補三六

酬和杜侍御并序

河中杜侍御祇命本府自鍾陵舟抵漢上道出  
茲郡以某專使迎接先蒙雅什見貽竊慕清才  
輒酬和

花時曾省杜陵遊聞下書帷不舉頭因過石城  
先訪戴欲朝金闕暫依劉征帆夜轉鷓鴣穴一作嶠

序音低一格

騁騎春辭鸛雀樓正把新詩望南浦棹歌應是  
木蘭舟

上首六十七

補二十七

酬河中杜侍御重寄

五色如絲下碧空片帆還繞楚王宮文章已變  
南山霧羽翼應搏北海風春雪預呈霜簡白曉  
霞先染繡衣紅十千沽酒留君醉莫道歸心似  
轉蓬

上首六十九

補二十八

寄獻三川守劉公

并序

余奉陪三川守劉公讌言嘗蒙詢訪行止因話  
一麾之任冀成三逕之謀特蒙俯鑒丹誠尋許

序行低一格

慰薦屬移居履道卧疾彌旬輒抒二章寄獻

三川歌頌徹咸秦十二樓前侍從臣休閉玉籠

留鸞鴛早開金埒縱騏驎花深穉榻迎何客月

在膺舟醉幾人自笑一作東風過寒食茂陵寥落

未知春

上首七十

半年三度轉蓬居錦帳心闌羨隼旟老去自驚  
秦塞鴈病來先憶楚江魚長聞季氏千金諾更  
望劉公一紙書春雪未晴春酒貴莫教愁殺馬  
相如

上首七十二

補三十一

送段覺之西蜀結婚

詞賦名高身不閑綵衣如錦度函關鏡中鸞影  
羅威去劔外花歸衛玠還秋浪遠侵黃鶴嶺暮  
雲遙斷碧雞山此時人問西遊客心在重霄鬢  
欲斑

上音七十二

補三十一

長慶寺遇常州阮秀才

高閣晴軒對一峯毗陵書客此相逢晚收紅葉  
題詩遍秋待黃花釀酒濃山館日斜喧鳥雀石  
潭波動戲魚龍上方有路應知處踈磬寒蟬樹  
幾重

上音七十三

補三十二

贈閑師

近日高僧更有誰宛陵山下遇閑師東林共許  
三乘學南國爭傳五字詩初到庾樓紅葉墜夜  
投蕭寺碧雲隨秋江莫惜題佳句正好磷磷見  
底時

上音七十四

補三十三

東遊留別李叢秀才

煩君沽酒且登樓罷唱離歌說遠游文字豈勞  
諸子重風塵多幸故人憂數程山路長侵驛千  
里家書動隔秋起凭欄干各垂淚又驅羸馬向  
東州

上音七十五

補三十四

竹林寺別友人



騷人吟罷起鄉愁暗覺年華宋本似水流花滿謝  
城傷共折蟬鳴蕭寺喜同遊前山月落杉松曉  
深夜風清枕簟秋明日分襟又何處江南江北  
路悠悠

上首七十六  
補三十五 送武處士歸章洪山居武君

形影無羣消息沉登門三繫血沾襟皇綱一日  
開冤氣青史千年重壯心知宋本一作却望烏臺春樹  
老獨歸蝸舍暮雲深何時縱有徵書去雪滿重  
山不可尋

上首七十五  
補三十六 題義女亭

身沒蘭閨道日明郭南尋得舊池亭詩人愁立  
暮山碧賈客怨離秋草青四望月沈疑掩鏡兩  
簷花動認收屏至今鄉里風猶在借問誰傳義  
女銘

上首七十四  
補三十七 吳門送振武李從事

晚促離筵醉玉缸伊州一曲淚雙雙欲攜刀筆  
從新幕更宿煙霞別舊窓馬近秋侵紫塞吳  
帆乘月下清江嫵姚若許傳書檄坐築三城看  
受降

上首七十三  
補三十八 郊居春日有懷府中諸公并柬王兵曹

按井東  
抄補

欲學漁翁釣艇新  
濯纓猶惜九衢塵  
花前更謝依劉客  
雪後空懷訪戴人  
僧舍覆棋消白日  
市樓賒酒過青春  
一山桃杏宋本一作空同時發  
誰似東風不厭貧

上韋

補三十九

同韋少尹傷故衛尉李少卿

客醉更長樂未窮  
似知身世一宵空  
香車一作街寶

馬嘶殘月暖閣  
佳人哭曉風未捲  
繡筵朱閣上

已開塵席畫堂中  
何須更賦山陽笛  
寒月沈西

水向東

上韋

補四

舟行早發廬陵郡  
郭寄滕郎中

楚客停橈太守知  
露凝丹葉自秋悲  
宋本一作時蟹螯

只恐相如渴鱸膾  
應防曼倩飢  
風捲曙雲飄角

遠雨昏寒浪掛帆  
遲離心更羨高齋  
夕巫峽花

深醉玉卮

上韋

補四十一

聞邊將劉臯無辜受戮

外監多假帝王尊  
威脅偏裨勢不存  
纔許誓心

安玉壘已傷傳首  
動金門三千客裏  
寧無義五

百人中必有恩  
却賴漢庭多烈士  
至今猶自伏

蒲輪

上韋

補四十二

送薛秀才南遊

原本集外遺詩以下每題  
上但注一外字 上音八十四

姑蘇城外柳宋本初凋同上江樓更寂寥  
遶壁舊塵風漠漠對窓寒竹雨瀟瀟  
憐君別路隨秋鴈盡我離觴任晚潮  
從此草玄應有處白雲青草一相招

集外一

夜歸孤山寺寄盧郎中

青山有志路猶賒心在琴書自憶家  
醉別庾樓山色滿夜歸蕭寺月光斜  
落帆露濕回塘柳開院風驚滿地花  
他日此恩須報得德莫言空愛舊煙霞

上音八十五外二

贈桐廬房明府先輩

帝城春榜謫靈仙四海聲華二十年  
闕下書功無後輩卷中文字掩前賢  
官閑每喜江山靜道在寧憂雨露偏  
自笑小儒非一鶚亦趨門屏冀相憐

上音八十六外三

甘露寺感事貽同志

雲蔽長安路更賒獨隨漁艇老天涯  
青山盡日尋黃絹滄海經年夢絳紗  
雪憤有期心自壯報恩無處髮先華  
東堂舊侶勤書劔同出膺門是一家

上音八十七外四

游溪夜回寄道玄上人

南郭煙光異世間，碧桃紅杏水潺潺。猿來近嶺  
獼猴散，魚下深潭翡翠閑。猶阻晚風停桂楫，欲  
乘春月訪松關。幾回策杖終難去，洞口雲歸一作深  
不見山。

上言九十三

外五

客至

或作趙嘏詩

得路逢津更俊才，可憐鞍馬照春來。殘花幾一作落  
日小齋閉，大笑一聲幽抱開。袖拂碧溪寒繚繞，  
冠欹紅樹晚徘徊。相逢少一作分別更堪恨，何必秋  
風江上臺。

上言九十三

外六

經李給事舊居

歸作儒翁出致君，故山誰復有遺文。漢庭使氣  
摧張禹，楚國懷憂送范雲。楓葉暗時迷舊宅，芳  
花一作落落處認荒墳。朱絃一奏沈湘怨，風起寒波  
日欲曛。

外七

新興道中

此下三首宋本闕

芙蓉村春步失官金折獄，無功不可尋。初掛海帆  
逢歲暮，却開山館值春深。波渾未辨魚龍跡，霧  
暗寧知蚌蠃心。夜榜歸舟望漁火，一溪風雨兩  
巖陰。

外八

下第有懷親友

并序

余下第寓居杜陵親友聞或登上第或遂閑居  
或抵湘沅或游鄜時因抒長句

萬山晴雪九衢塵何處風光寄夢頻花盛庾園  
攜酒客草深顏巷讀書人征帆又過湘南月旅  
館還悲渭北春無限別情多病後杜陵寥落在  
漳濱

外九

中秋夕寄大梁劉尚書

汴人迎拜洛人留虎豹旌旗擁碧油刁斗嚴更  
軍耳目戈鋌長控國咽喉柳營出號風生燾蓮  
幕題詩月上樓應念散郎千里外去年今夜醉

社春雨中舟次和梅江使君  
見迎趙李二秀才同來回書四

蘭舟

七言絕句二十六首

外三十六

緱山廟

王子求仙月滿臺玉簫清轉鶴徘徊曲終飛去  
不知處山下碧桃花自開

外十二

秋思

琪樹西風華簞秋楚雲湘月憶同遊高歌一曲  
掩明鏡昨日少年今白頭

寄桐江隱者

潮去潮來洲渚春山花如繡草如茵嚴陵臺下

車渡頭微雨時萬株楊柳拂  
去蒲根水暖雁初下梅邊香  
蜂未知辭客倚風吹暗渡  
君迴馬濕旌旗江南仲尉多  
調惆悵春陰幾首詩上三  
題慧山寺  
空殿塔倚崑巒松韻經聲  
裡寒雨眼派泉清戶牖九  
飛雨灑欄干散沙魚弄金  
影融法烏啼施食盤借問  
水車馬客幾時林下晚儒  
上三十一

此二首宋本重出在七律中  
詩者似人似仙翁耳

桐江水解釣鱸魚能幾人

外十三 送宋處士

賣藥脩琴歸去遲山風吹落桂花時枝世間甲子

須臾過事逢着仙翁宋本莫看碁作事

六十四 聽吹鷓鴣

金谷歌傳第一流鷓鴣清怨碧雲愁夜來省得

曾聞處萬里月明湘水流

六十五 秦樓曲

秦女夢餘仙路遙月窻風簟夜迢迢伴郎翠鳳

雙飛去三十六宮聞玉簫

上六 外十四 學仙二首

漢武迎仙紫禁秋玉笙瑤瑟祀崑丘年年望斷

無消息空閉玉城十二樓

心期仙訣意無窮彩畫雲車起壽宮聞有三山

未知處茂陵松柏滿西風

上七 外十六 酬康州韋侍御同年

桂檝美人歌木蘭西風裊裊露溥溥夜寒曲盡

意不盡月在瀟湘洲渚寒

上六 外十七 金谷園

三惑沉身是此園古藤荒草野一作禽喧二十四

友一朝盡愛妾墜樓何足言

上首三 外六 旌儒廟

寒谷一作相陰風萬古悲儒冠相枕死秦時廟前亦

有商山路不學老翁歌紫芝

上首四 外十九 寄宋次都

朱檻煙霜夜坐勞美人南國舊同袍山長水遠  
無消息瑤瑟一彈秋月高

上首五 外二十 夜泊永樂有懷

蓮渚愁紅蕩碧波吳娃齊唱採蓮歌橫塘一別  
千餘里蘆葦蕭蕭風雨多

上首六 外二十一 鴻溝

相持未定各為一作懷君秦政山河此地分力盡烏

江千載後古溝荒草起寒雲

上首七 外二十二 重經四皓廟二首

峩峩商嶺採芝人雪頂霜髯虎豹茵山酒一壺  
歌一曲漢家天子忌功臣

避秦安漢出藍關松桂花陰滿舊山自是無人

有歸意白雲常在水潺潺

上首八 外二十四 楚宮怨二首

十二山晴花盡開楚宮雙闕對陽臺細腰爭舞

君沉醉白日秦兵江上來

獵騎秋來在內稀其二渚宮雲雨濕龍一作君衣騰騰戰

鼓動城闕江上一作畔射麋殊未歸

外二十六 晨起西樓宋本闕

留情深處駐橫波斂翠凝紅一曲歌明月下樓

人未散共愁三逕是天河

音九十一 外二十七 酬江西盧端公藍口阻風見寄之什

又攜刀筆從膺舟藍口風高桂檝留還似郢中

歌一曲夜來春雪照西樓

音九十二 外二十八 途經秦始皇墓

龍盤虎踞樹層層勢入浮雲亦是崩一種青山

秋草裏路人唯拜漢文陵

音九十三 外二十九 題楞伽寺

碧煙秋寺泛湖來水浸城根古堞摧盡日傷心

人不見石榴一作植花滿一作發舊歌臺

音九十四 外三十 贈何處士

東別茅峯北去秦梅仙書裏說知人白頭主印

青山下雖遇唐生不敢親

音九十五 外三十一 經故太尉段公廟

徒想追兵緩翠華古碑一作城邊荒廟閉松花紀生不



此詩在夏日後

上頁六

向榮陽死豈有山河屬漢家

外三十三 鷺鷥 正詩元稹闕見宋本

西風淡淡水悠悠雪照絲飄帶雨愁何事歸心  
倚前閣綠蒲紅蓼練塘秋

上音光 外三十二 夏日寄江上親友

雨過山前日未斜清蟬嘒嘒落槐花車輪南北  
已無限江上故人纔到家

上五 傷李秀才

曾醉笙歌日正遲醉中相送易前期橘花滿地  
人亡後菰葉連天雁一作客過時琴倚舊窓塵漠漠

劍橫新塚草離離河橋酒熟平生事更向東流  
奠一卮

上十七 卧疾

寒窓燈盡月斜暉 佩馬朝天獨掩扉清露已凋  
秦塞柳白雲空長越山薇病中送客難為別夢  
裏還家不當歸唯有舊書書未得卧聞燕雁向  
南飛 已上三詩元本正集闕見宋本今附於此

增廣音註唐鄭州刺史丁卯詩集卷上

內張  
東還家不當體對有善書書未許相聞燕歌向  
秦塞嶂白雲空是姑山薺歲中送客鑿為陽夢  
天窓欲盡凡餘即麻馬障天際奇氣青露已風

相共

奠一畝

險對藤泉草薺薺瓦齋酥燻平土車更向東流

丁卯詩集卷下目錄

郢州刺史 許 渾 用晦

近體詩

五言律詩一百九十四首

贈蕭鍊師 冬日贈元孚上人

維舟過李給事宅 蒜山津觀發軍

送從兄歸蜀川 阻風登延祚閣

送林處士抵兩川 宣城贈蕭兵曹

秋夕宴李侍御宅 晨至龍興寺

題峽山寺四首 南海使院對菊

和李相國

陪少師李相國

泛五雲溪

王居士

早秋

三首

洛東蘭若夜歸

送段覺歸杜曲

寄天香寺仲儀上人

寄契盈上人

晨起

二首

寄崔韓二先輩

盈上人

廣陵道中

宿開元寺樓

洞靈觀冬青

友人歸江東

送同年崔先輩

山雞

孤鴈

寓懷

洛中游眺貽同志

夏日題郭別駕

長安旅夜

鷓鴣

懿安皇太后挽詞

示弟

送湯處士卜居

發靈溪館

題杜居士

神女祠

送李定言南遊

別契直上人

題潼關驛後軒

呈裴明府

灞東題司馬郊園

宿石屏村謝叟家

從兄歸隱藍溪

三首

思歸

晚泊七里灘

寄題商洛王隱居

晨裝

一本作洛中

題韋隱居西齋

送李暝秀才西行

馬鎮西故第

重遊鬱林寺

泛溪

送樓煩李別駕

聞兩河用兵

獻白尹

茅山贈梁尊師

寄薛先輩

送韋明府南遊

看雪

江上燕別

贈僧

趨慈和寺移宴

留贈偃師主人

送南陵李少府

別韋處士

九日登樟亭驛樓

傷朱餘慶

當作慶餘

先輩

送張崔二侍御

江樓夜別

送惟素上人

雪上宴別

下第別楊至之

尋戴處士

放猿

將離郊園留示弟姪

夜歸丁卯橋村舍

題青山館

秋日衆哲館對竹

春日題韋曲村舍

二首

崇聖寺別楊至之

途經李翰林墓

嚴陵釣臺貽行侶

南樓春望

送無夢道人

閑居孟夏即事

題灞西駱隱士

溪亭二首

題潼關驛樓

吳門送客早發

送大昱禪師

旅懷

南亭與首公讌集

早發壽安

泊松江渡

送魚思別處士歸

重經姑蘇懷古二首

題孫處士山居二首

寓居崇聖寺感事

晚發天井關

喜遠書

懷江南同志

洛中秋日

蒜山津送客

潼關蘭若

玩雪寄劉大夫

陪越中使院諸公

春泊弋陽

晨別脩然上人

送客江行

宿鬱林道玄院二首

題元處士幽居

送李秀才

題倪處士舊居

贈梁將軍

春望思舊遊

病中二首

寄汝洛友人

恩德寺

天竺寺題葛洪井

朗上人院晨坐

送客歸湘楚

過故友舊居

送客歸峽中

題冲沼上人院

和畢貞外見寄

春醉

題岫上人院

送客南歸有懷

李生棄官入道

長興里南隣避暑

送韓校書

秋晚登城

酬和鄭常侍

酬和張公喜雪

下第送宋秀才

南亭偶題

裴秀才自越歸

太和初靖恭里感事

與侯春時夜話

送薛明府赴任

遊果晝二僧院

題官舍

酬報先上人

戲呈李明府

泛舟鬱林寺遇雨

鬱林寺

題崇聖寺

贈高處士

送僧歸金山寺

金谷桃花

憶長洲

再寄殷堯藩

題鄒處士隱居

送僧歸敬亭山寺

寄袁校書

天街曉望

喜洛中親友至

寄劉三復

送客歸吳興

月夜期友人不至

白馬寺不出院僧

寄袁都校書

贈柳馮二校書

王秀才見訪不遇

秋霽潼關驛亭

送客歸蘭溪

貽終南山隱者

送李文明覲兄

送段覺歸東陽

韶州送竇司直出嶺

傷馮秀才

送鄭寂上人南行

贈王處士

送友人歸荆楚

五言絕句五首

長安早春

塞下

思天台

聞歌

雨後憶湖山居

散體詩一首

寄郴州李相公

丁卯詩集卷下目錄

臨安府洪橋子南陳宅經籍鋪印

景宋本十行十八字原出棚本上卷詩一百九十三首下卷詩

一百十首較木齋師所藏宋本首數既少次第亦異其

篇中異字與席刻所和宋本作某者只六<sup>七</sup>合不知席

所見宋本完為何本也此書舊藏蘇州顧鶴逸家

日本人島田載以東渡董授任同年收之何得對勘一  
過與前校宋元兩本字句同者圈識其旁以清眉目  
兩本所無則逕改之 甲寅七月二十日沈林識

西酌 朱方

仲躄 白長方

西酌草堂藏本 朱長

陳博 印

復初 朱方

陳氏西酌草堂藏書印

白長方

迷古堂 朱長方

錢曾 白方

之印

王

博 印

朱長方

社 朱方

增補詩集卷下 鄧州刺史丁卯詩集卷下

鄧州刺史 許 渾 用晦

五言雜詩 近體詩

五言律詩一百九十四首 二十韻二首

上三五 贈蕭鍊師 并序 宋本闕

鍊師真元初自梨園選為內妓善舞柘枝宮中

莫有倫比者寵錫甚厚及駕幸奉天以病不獲

隨輦遂失所止洎復宮闕上頗懷其義 一作求之

浹日得於人間後聞神仙之事謂長生可致乞

奉黃老上許之詔居嵩南洞清觀迨今八十餘

序以行低一格以下同



矣雪膚花顏與昔無異則知龜鶴之壽安得不  
由所尚哉因賦此詩題於院壁

曾試昭陽曲瑤齋帝自臨紅珠絡綉帽翠鈿束  
羅襟雙闕朝塵起千門宿露陰出宮迷國步回

駕軫皇心桂殿春空晚椒房夜自深急宣求故

劍冥契得遺簪暗記神仙傳潛封玉女一作女史箴壺

中知日永掌上畏年侵莫比班家扇寧同卓氏

琴雲車辭鳳輦羽帔別鴛衾網斷魚遊藻籠開

鶴戲林洛煙浮碧漢嵩月上丹岑露一作露草爭三

秀風篁共八音吹笙延鶴舞敲磬引龍吟旄節

纖腰舉霞杯皓腕斟還磨照寶鏡猶插辟寒金  
東海人情變南山聖壽沉朱顏常似渥綠髮已  
如尋養氣齊生死留形盡古今更求應不見雞  
犬日駸駸雷路當作雷

上三六 冬日宣城開元寺贈元孚上人二十韻

一鉢事南宗僧儀稱病容曹溪花裏別蕭寺竹

前途燭影深寒殿經聲徹曙鐘欲齋簷睡一作下鵠

宋本初定壁吟蛩詩繼休遺韻書傳永逸蹤藝多

人譽洽機宋本絕道情濃汲澗瓶沉藻眠堦錫掛

松雲鳴新放鶴池卧舊降龍露茗山厨焙霜稭

下百十

野碓春梵文明處譯禪衲暖時縫層塔題應徧  
 飛軒步不慵繡梁交薜荔畫井倒芙蓉翠戶垂  
 旗網朱窓列劔鋒寒風金磬遠晴雪玉樓重妙  
 理三乘達清才萬象供山高橫睥睨灘淺聚艖  
 艖微霧宋本蒼平楚殘暉淡遠峯林踈霜撼撼  
 波靜月溶溶劔出因雷煥琴全宋本遇蔡邕西方  
 知宋本有社支許合相從

上三十一

維舟秦淮過温州李給事宅

給事為郎日青溪醉隱銜冰池通極浦雪徑遶  
 高巖珠玉砂同弃宋本松筠草宋本作梅墜共芟帝圖憂

下三十一

上三十一

蒜山津

一作登蒜山

觀發軍

一本作登蒜山觀發軍

一失臣節恥三緘代有王陵慙時無靳尚讒定  
 應操直筆寧為發空函霧黑連雲棧風狂截海  
 帆石梯迎雨潤沙井帶潮鹹蠟屐青筇杖藍輦  
 白罽衫應勞北歸夢山路正巉巖

羽檄徵兵急轅門選將雄犬羊憂破竹貔虎宋本

極飛蓬定繫宋本猖狂何煩矍鑠翁更探黃

石宋本略重振黑山功別馬嘶營柳驚烏散井桐

低星連寶劔殘月讓雕弓浪曉戈鋌裏山晴鼓

角中甲開魚照水旗颺虎拏風去想金河遠行

聞一作知玉塞空漢庭應有問師律在元戎

上三十九送從兄別駕歸蜀川 并序 宋本闕

從兄彥昭與桂陽令韋伯達貞元中俱為千牛伯達官至王府長史長慶中非罪受譴前年會赦復故秩詔未及而已歿從兄自蜀而南發旅櫬歸葬塗上既而西還因成十韻贈別

聞與湘南令童年侍玉墀家留秦塞曲官謫瘴溪湄道直姦臣屏冤深聖主知逝川東去疾需澤北來遲青漢龍髯絕蒼岑一作山馬鬣移一作悲風淒聞笛處月慘罷琴時客路黃公廟鄉關白帝祠

下五

已稱鸚鵡賦寧誦脊今詩遠道書難達長亭酒

莫持一作重當憑蜀江水萬里寄相思移一作悲莫持一作重

上四十五金陵阻風登延祚閣

極目皆陳迹披圖問遠公戈鋌三國後冠蓋六朝中葛蔓交殘壘芒或作草花沒後宋本宮水流簫鼓絕山在綺羅空極浦千艘聚高臺一徑通雲移宋本岫雨潮轉楚江風登閣慙漂梗停舟憶斷蓬歸期與歸路杉桂海門東

下七十二 上四十一送林處士自閩中道越由雲抵兩川

書劔少青眼煙宋本波初白頭鄉關背黎嶺客路

轉蘋洲處困道難固乘時恩易酬鏡中非訪戴  
劍外欲依劉高枕海天暝落帆江雨秋鼉聲應  
遠鼓蜃氣學危樓智士宋本役千慮達人經作百  
憂唯聞陶靖節多在醉鄉遊

下七十三

上四十一

宣城贈蕭兵曹

桂檝謫湘渚三年波上春舟寒剡溪雪衣破洛  
城塵客道恥搖尾皇恩寬犯鱗花時去國遠月  
夕上樓頻貪酒不辭病傭書非為貧行吟值漁  
父坐隱對樵人紫陌罷雙轍碧潭窮一綸高歌  
更南去煙水是通津

上四十二

秋夕宴李侍御宅

宋本闕

公子徵詞客秋空遞玉盃月高羅幕卷風度錦  
屏開鳳管添簧品鷓絃促柱哀轉喉雲旋合垂  
手露徐來燭換三條燼香銷十炷灰蛩聲聞鼓  
歇螢燄觸簾回廣檻煙分柳空庭露積苔解醒  
須滿酌應為撥新醅

上四十三

晨自竹逕至龍興寺崇隱上人院

宋本闕

佛寺通南徑僧堂倚北坡藤陰迷晚竹苔滑仰  
晴莎病憶春前別閑宜雨後過石橫聞水遠  
林缺見山多欲結三天社初降十地魔毒龍來

有窟靈鶴去無窠客路隨萍梗鄉園失薜蘿禪  
心如可學不藉魯陽戈

下六

上四

歲暮自廣江至新興往復中題峽山寺

四首

夜醉晨方醒孤吟恐失羣海鱗潮上見江鵠霧  
中聞未臘梅先實經一作終冬草自薰樹隨山崦合  
泉到石稜分虎跡空林雨猿聲絕嶺雲蕭蕭異

鄉鬢明日共絲琴

出左傳治絲而  
琴之注亂也

薄暮緣西峽停橈一訪僧鷺巢橫卧柳猿飲倒  
垂藤水曲巖千疊雲重樹百層山風寒殿磬溪

雨夜船燈灘漲危槎沒泉衝怪石崩中臺一襟

淚歲杪別良朋

密樹分蒼壁長溪抱碧岑海一作山風聞鶴遠潭日

見魚深松蓋環清韻榕根架綠陰

南方大葉榕樹枝  
危者輒生根垂又

地如洞丁多斲石蠻女半淘金

端州斲石塗涯  
縣淘金為業

南浦驚

春至西樓送月沉江流不過嶺何處寄歸心

月在行人起千峯復萬峯海虛爭翡翠溪邏關

芙蓉

南方呼市為虛呼成為邏  
新州有翡翠虛芙蓉邏也

古木高生榭陰池滿種

松不榭花生他樹槎枿  
池沼多松謂之水松也

火探深洞燕香送遠潭龍

南方  
持火

乳洞中取燕而食康州悅城縣有温媪龍即蛇也  
隨株往舟船至人家或千里外皆以香酒果送之

藍塢寒先燒

禾堂晚併春

種藍多在塢中先燒其地人以木槽為春禾謂之春堂

更投何處宿西

峽隔雲鐘

上四十九

南海使院對菊懷丁卯別墅

宋本闕

何處曾移菊溪橋鶴嶺東籬踈還有艷園小亦  
無叢日晚秋煙裏星繁曉露中影搖金澗水香  
染玉潭風罷酒慙陶令題詩荅謝公朝來數花  
發身在尉佗宮

下三十九

上五十九

和李相國

并序

蒙賓客李相國見示和宣武盧僕射以吏部高  
尚書自江南赴闕貺大梨白鷗因贈五言六韻

攀和

巨實珍吳果馴雛重越禽摘來漁浦上攜在兔  
園陰霜合凝丹頰風披斂素襟刀分瓊液散籠  
蔽雪華或作花深虎帳齋中設龍樓洛下吟含消兼  
受彩應貴冢卿心

下四十四

下

陪少師李相國崔賓客宴居守狄僕射

池亭

池色似瀟一作擬湘仙舟日正長燕飛驚蛺蝶魚戲  
一作躍動鴛鴦雲聚一作定歌初轉風回舞欲翔暖醅松  
葉嫩寒粥杏花香羅綺留春色笙竽送晚光何

消校改情

此首無在題章下九十三  
村舍後田野老

須明月夜一作紅燭在華堂

下二 泛五雲溪

此溪何處路遙問白髯翁佛廟千巖裏人家一  
島中魚傾荷葉露蟬噪柳林宋本作枝風急瀨鳴車  
軸微波漾釣筒石苔縈棹綠山果拂舟紅更就  
前溪宿村橋與剡通

下三 王居士

筇杖倚柴關都城賣卜還雨中耕白水雲外  
青山有藥身長健無機性自閑即應生羽翼華  
表在人間

下四三二

下六五四 早秋三首

遙夜泛清瑟西風生翠蘿殘螢委玉露早雁拂  
金一作銀河高樹曉還密遠山晴更多淮南一葉下  
自覺老煙波

一葉下前墀淮南人已悲蹉跎青漢望迢遞白  
雲期老信相如渴貧憂曼倩飢生公與園吏何  
處是吾師

薊北雁猶遠淮南人已悲殘桃間墮井新菊亦  
侵籬書劒豈相誤琴樽聊自持西齋風雨夜更  
有詠貧詩

下四

洛東蘭若夜歸

一衲老禪床吾生半異鄉管絃愁裏老宋本作醉書

劍夢中忙鳥急山初暝蟬稀樹正涼又歸何處

去塵路月蒼蒼

下四十一

送段覺歸杜曲閑居

書劍南歸去山扉別幾年苔侵巖下路果落洞

中泉紅葉高齋雨青蘿曲檻煙寧知遠游客羸

馬太行前

下四十二

寄天鄉宋本作香寺仲儀上人富春孫處士

詩僧與釣翁千里兩情通雲帶雁門雪水連漁

下四十五

浦風心期榮辱外名掛是非中歲晚亦歸去田園清洛東

寄契盈上人

何處是西林踈鐘復遠砧鴈來秋水闊鴉盡夕

陽沉婚嫁乖前志功名異夙心湯師不可問江

上碧雲深

下四十六

晨起二首

桂樹綠層層風微煙露凝簷楹銜落月幃幌耿

殘燈蘄簟曙香冷越瓶秋水澄心闌即無事何

異住山僧

歐字原本漫漫校神映字



殘月皓煙露掩門深竹齋水蟲鳴曲檻山鳥下  
空階清鏡曉看髮素琴秋寄懷因知北窓客一作  
日與世情乖

下十

下十三

曉發鄞江北渡寄崔韓二先輩

南北信多岐生涯半別離地窮山盡處江泛水  
寒時露曉蒹葭重霜晴橘柚垂無勞促回檝干  
里有心期

下十一

下十四

盈上人

月沉霜已凝無夢竟一作對寒燈寄世何殊客脩身  
未到僧二毛梳上雪雙淚枕前冰借問曹溪路

山多樹幾層

下十二

下十五

廣陵道中

城勢已坡陀城邊東逝波綠桑非苑樹青草是  
宮莎山暝牛羊少水寒鳧雁多因高一回首還  
詠黍離歌

下十三

下十六

宿開元寺樓

誰家歌裊裊孤枕在西樓竹色寒清簟松香染  
翠幃月移珠殿曉風遞玉箏秋日出應移棹三  
湘萬里愁

下十四

下十七

洞靈觀冬青

霜霰不凋色兩株交石壇未秋紅實淺經一作終夏  
綠陰寒露重蟬鳴急風多鳥宿難何如西禁柳  
晴舞玉闌干

下四十九

下六

友人自荆襄歸江東

新喪其偶

商洛轉江濱一杯聊送君  
劒愁龍失伴琴怨鶴  
離群楚驛枕秋水湘帆  
凌暮雲猿聲斷腸處應  
向雨中聞

下五十一

下十九

送同年崔先輩

西風帆勢輕南浦遍離情  
菊艷含秋水荷花遞  
雨聲扣舷灘鳥沒移棹  
草蟲鳴更憶前年別槐

此首缺

下五十二

花滿鳳城

山鷄

此詩見宋本元本集中闕惟目錄內在孤鴈詩前故從之

珍禽暫不扃飛舞躍前庭  
翠網摧金距雕籠減  
繡翎月圓疑望鏡花暖  
似依屏何必舊巢去  
山  
山芳草青

下五十三

下二十

孤鴈

昔年雙頰頰池上靄春暉  
霄漢力猶怯稻梁心  
已違蘆洲寒獨宿一作立  
榆塞夜孤飛不及營巢燕  
西風相逐一作伴歸

下五十四

下二十一

寓懷

脫狂夫二字

南國浣紗伴盈盈天下姝盤金明綉帶動一作鳳珮  
響羅襦素手怨瑤瑟清心悲玉壺春華坐銷落  
未忍泣薜蘿一作嫁燕一作嫁狂夫

下五十五

洛中游眺貽同志

康衢一望通河洛正天中樓勢排高鳳橋形架  
一作斷虹遠山晴帶雪寒水晚多風幾日還攜手  
鳥鳴花滿宮

下五十六

夏日戲題郭別駕東堂

微風起畫鸞金翠暗珊珊晚樹垂朱實春篁露  
粉竿散香蘄簟滑沉水越瓶寒猶恐何郎熱冰

下五十七

生白玉盤

長安旅夜

久客怨長一作良夜西風吹鴈聲雲移河漢一作色淺月  
泛露華清掩瑟獨一作必凝思緩歌空寄情門前有  
歸路迢遞洛陽城

下五十八

鷓鴣

池寒柳復凋獨宿夜迢迢雨頂冠應冷風毛劔  
欲飄故巢迷碧水舊侶越丹青不是無歸一作栖處  
心高多寂寥

下五十九

懿安皇太后挽歌詞

陵前春不盡陵下夜何窮未信金蠶老先驚玉  
燕空挽挽移蘭殿月笳引栢城風自此隨龍馭喬  
山翠靄中

下六

下二十七 示弟

自爾出門去淚痕長滿衣家貧爲客早路遠得  
書稀文字何人賞一作誰人重煙波幾日歸秋風正搖  
落孤鴈又南飛

下四

下二十六 送湯處士反初卜居曲江

鴈門歸去遠垂老脫袈裟蕭寺休爲客曹溪便  
寄家綠琪千歲樹黃槿四時花別怨應無限門

前桂水斜

下五

下二十九

發靈溪一作虛館

山多水不窮一葉似漁翁鳥浴寒潭雨猿吟暮  
嶺風雜英垂錦繡衆籟合絲桐應有曹一作桃谿路  
千巖萬壑中

下六

下三十

題杜居士

松偃石床平何人識姓名溪冰寒棹響巖雪夜  
窻明機盡心猿伏神閑意馬行應知此來客身  
世兩無情

下七

下三十一

神女祠

停車祠聖女涼葉下陰風龍氣石床濕鳥聲一作鳴  
山廟空長眉留桂綠丹臉寄蓮一作蘭紅莫學陽臺  
畔朝雲暮雨中

下六

下三十三 送李定言南遊游

酒酣輕別恨酒醒復離憂遠水應移棹高峯更  
上樓簾涼清露夜琴響碧天秋重惜芳樽宴滿  
城無舊游

下九

下三十三 早發中巖寺別契直上人

蒼蒼松桂陰殘月半西岑素壁寒燈暗紅爐夜  
火深厨開山鼠散鐘盡嶺猿吟行役方如此逢

師懶話心

下二十

下三十四 行次潼關題驛後軒

飛閣極層臺終童此路回山形朝闕一作岳去河

勢抱一作入關來鴈過秋風急蟬一作雞鳴宿霧開平生

無限意驅馬任塵埃

下二十一

下三十五 晨起宋本南亭呈裴明府

南齋夢釣竿晨起月猶殘露重螢依草風高蝶

委蘭池光秋鏡澈山色曉宋本屏寒更戀陶彭澤

無心議去官

下二十二

下三十六 灞東題司馬郊園

楚翁秦塞住昔事李輕車白社貧思橘青門老  
種宋本瓜讀書三徑草沽酒一籬花更欲尋芝朮  
商山便寄家

下三十三

下三十三

游維山新興寺宿石屏村謝叟家

晚過石屏村村長日漸一作曛僧歸下嶺見人語

隔溪一作聞谷響寒耕雪山明夜燒雲家家扣銅

鼓欲賽魯將軍村有魯廟

下三十六

下三十六

送從兄歸隱藍溪三首

名高猶一作素衣或作氣高身不達窮巷掩荆扉漸老故人少

久貧豪客稀塞雲橫劔望山月抱琴歸幾日藍

溪醉藤花拂一作莫遣藍溪路青苔滿釣磯一作莫遣藍溪路青苔滿

京洛多高蓋憐兄劇斷蓬身隨一劔老家入萬

山空夜憶蕭關月行悲易水風無人知此意甘

卧白雲中

燕鴈下秋塘田家自此忙移蔬通遠水收果待

繁霜野碓舂秔滑山厨焙茗香客來還有酒隨

事宿茅堂

下三十八

下三十八 思歸

壘嶂平蕪外依依識舊邦氣高詩易怨愁極酒

難降樹暗支公院山寒謝守窓殷勤樓下水幾

日到荆江

下三九

下四二

晚泊七里灘

天晚日沉沉歸舟繫柳陰江村平見寺山郭遠  
聞砧樹密猿聲響波澄鴈影深榮華暫時事誰  
識子陵心

下三十一

下四三

寄題商洛王隱居

近逢商洛客知爾住南塘草閣平春水柴門掩  
夕陽隨蜂收野蜜尋麝采生香更憶前年醉松  
花滿石牀

下三十二

下四四

晨裝

一本作洛中

帶月飯行侶西游關塞長晨雞鳴遠戍宿鴈起  
寒塘雲卷四山雪風凝千樹霜誰家遊俠子

一作歌舞散

沉醉卧蘭堂

一作停驂一回  
首隱隱見嵩陽

下三十四

下四十五

題韋隱居西齋

作韋處士山居

斲藥去還歸家人半掩扉山風藤子落溪雨豆  
花肥寺遠僧來少橋危客過稀不聞砧杵動  
應解製荷衣

下三十五

下四十六

送李暝秀才西行

萬里不辭勞寒裝疊縕作雪袍停車山店雨挂席  
海門濤鷹勢暮偏急鶴聲秋更高知君北邙路

留劔泣黃蒿

下三十六

下四十七

馬鎮西故第

將軍久已沒行客自興哀功業山長在繁華水  
不迴亂藤一作片侵廢井荒菊上叢臺借問此中事  
幾家歌舞來

下三十七

下四十八

重遊鬱林寺道玄上人院

藤杖叩松關春深一作透斲藥還雨晴巢燕急波暖  
浴鷗閑倚檻花臨水回舟月照山憶歸師莫笑  
書劔在人間

下三十六

下四十九

泛溪

疑與武陵通青谿碧嶂中水寒深見石松晚靜  
聞風遯迹驅鷄吏冥心失馬翁纔應畢婚嫁還  
此息微躬

下六十一

下五十一

送樓煩李別駕

琴清詩思勞更欲學龍韜王粲暫停筆呂虔初  
佩刀夜吟關月靜秋望塞雲高去去從軍樂鵬  
飛代馬豪

下六十二

下五十二

聞兩河用兵因貽友人

故人日已遠身事與誰論性拙難趨世心孤易  
感恩秋悲憐宋玉夜舞笑劉琨徒有干時策青



山尚掩門

下六三

下五十二

獻白尹

即樂天也

醉舞任生涯，褐寬烏帽斜。庾公先在郡，踈傳早  
還家。林晚鳥爭樹，園春蝶宋本護花高。吟應更逸，  
嵩洛路舊煙霞。

下六四

下五十三

茅山贈梁尊師

雲屋何年客，青山白日長。種花春掃雪，看錄夜  
焚香。上象壺中闊，平生夢裏忙。幸承仙籍後，乞  
取一作大還方。

下六五

下五十四

聞薛先輩陪大夫看早梅因寄

澗梅寒正發，莫信笛中吹。素艷雪凝樹，清香風  
滿枝。折驚山鳥散，攜任野蜂隨。今日從公醉，何  
人倒接羅。

下六六

下五十五

送前緱氏韋明府南游

酒闌橫劒歌，日暮望關河。道直去官早，家貧爲  
客多。山昏函谷雨，木落洞庭波。莫盡遠游興，故  
園荒薜蘿。

下六七

下五十六

看雪

松亞竹珊珊，心知萬井歡。山明迷舊徑，溪滿漲  
新瀾。客醉瑤臺曙，兵防玉塞寒。紅樓知有酒，誰

肯學袁安

下六六

下五十七

江上燕別

以下二首一作趙嘏詩

雲物如故鄉山川異岐路年來宋本未歸客馬上  
春欲暮一樽花下酒殘日水西樹不待管絃終  
搖鞭背花去

下六九

下五十八

贈僧

心法本無住流沙歸復來錫隨山鳥動經附海  
船回洗足柳遮寺坐禪花委苔唯將一童子又  
欲上天台

下七十二

下五十九

趨慈和寺移宴

高寺移清宴漁舟繫綠蘿潮平秋水闊雲斂暮  
山多廣檻停簫鼓繁絃散綺羅西樓半床月莫  
問夜如何

下七十四

下六十四

留贈偃師主人

孤城漏未殘徒侶拂征鞍洛北去游宋本遠淮  
南歸夢闌曉燈回壁暗晴雪卷簾寒更盡主人  
酒出門行路難

下七十五

下六十一

送南陵李少府

高人亦未閑來往楚雲間劍在心應壯書窮鬢  
已斑落帆秋水寺驅馬夕陽山明日南昌尉空

齊又掩關

下七十六

下六十二

別韋處士

南北斷蓬飛別多相見稀更傷今日酒未換昔  
年衣舊友幾人宋本在故鄉何處歸秦原向西  
路雲晚雪霏霏

下七十七

下六十三

九日登樟亭驛樓

鱸膾與蓴羹西風片席輕潮回孤島晚一作遠雲斂  
衆山晴丹羽下高閣黃花垂古城因秋倍多感  
鄉樹接咸京

下七十八

下六十四

再遊越中傷朱餘慶

當作慶餘

先輩直上人

昔年湖上客曾宋本訪雪山翁王氏船猶在蕭家  
寺已空月高花有露煙合水無風處處多遺韻  
何曾入剡中

下七十九

下六十五

京口津亭送張崔二侍御

愛樹滿西津津亭墮淚頻素車應度洛珠履更  
歸秦水接三湘暮山通五嶺春傷離與懷舊明  
日白頭人

下八十

續下

江樓夜別

離別柰情何江樓凝艷歌蕙蘭秋露重蘆葦夜  
風多深怨寄清瑟遠愁生翠蛾酒酣相顧起明

月棹寒波

下八十一

續下二

送惟素上人歸新安

山空葉復落一逕下新安風急渡溪晚雲宋本晴  
歸寺寒尋雲策藤杖向日倚蒲團寧憶西游客  
勞勞歌路難

下八十二

續下三

雪上宴別

山斷水茫茫洛人一作濱西路長笙歌留遠棹風雨  
寄華堂紅壁耿秋燭翠簾一作檐凝曉香誰堪從此  
去雲樹滿陵陽

下八十三

續下四

下第別楊至之

花落水潺潺十年離舊山夜愁添白髮春淚減  
朱顏孤劍北游塞遠書東出關逢君話心曲一  
醉灞陵間

下八十四

續下五

尋戴處士

車馬長安道誰知大隱心蠻僧留古鏡蜀客寄  
新琴晒藥竹齋暖擣茶松院宋本深思君一相訪  
殘雪似山陰

下八十五

續下六

放猿

殷勤解金鎖昨一作別夜雨淒淒山淺憶巫峽水寒  
思建溪遠尋宋本紅樹宿深向一作入白雲啼好覓

下六

來時一作便路煙蘿莫共一作迷  
覓南歸迷一作迷  
將離郊園留示弟姪

身賤與心違秋風生旅衣久貧辭國遠多病在  
家稀山暝客初散樹涼人未歸西都萬餘里明

旦別柴一作扉

下七

續下八 夜歸丁卯橋村舍

月涼風靜夜歸客泊巖前橋響犬遙吠庭空人  
散眠紫蒲低水檻紅葉半江船自有還家計南

湖二頃田

下八

續下九 題青山館即謝公館

昔人詩酒地芳草思王孫白水半塘岸青山橫  
郭門懸巖碑已折盤石井猶存無處繼行樂野  
花空一樽

下九

續下十 秋日衆哲白沙館對竹宋本作白沙

蕭蕭凌雪霜濃翠異三湘踈影月移壁寒聲風  
滿堂捲簾秋更早高枕夜偏長忽憶秦宋本溪路  
萬竿今正涼

下十

續下十一 春日題韋曲野老村舍二首

遶屋遍宋本桑麻村南第一家林繁樹勢直溪轉  
水紋斜竹院晝看笋藥欄春賣花故園歸未得

到此是天涯

背嶺枕南塘數家村落長鶯啼幼婦懶蠶出小

姑忙煙草近溝濕風花臨路香自憐非楚客春

望亦心傷

續下三 崇聖寺別楊至之

蕭寺暫時一作相逢離憂滿病容寒齋秋少燕陰壁

夜多蛩樹暗水千里山深雲萬重懷君在書信

莫過鴈回峯

下九十四 續下十四 途經李翰林墓

氣逸何人識才高舉世疑禰生狂善一作解賦陶令

醉能一作吟詩碧水鱸魚怨青山鵬鳥悲至今孤塚

在荆棘楚江湄

下九十五 續下十五 嚴陵釣臺貽行侶

故人天下定歸釣碧巖幽舊跡隨苔古高名寄

水流鳥喧羣木晚蟬急衆山秋更待新安月憑

君暫駐舟

下九十六 續下十六 南樓春望

南樓春一望雲水共昏昏野店歸山路危橋帶

郭村晴煙和草色夜雨長溪痕下岸誰家住殘

陽半掩門

侶誤宮

此下有五雲溪一首五言  
六韻  
下九十三

下九十七

續下十七 送無夢道人先歸甘露寺

飄飄一作飄飄隨晚浪杯影入鷗羣岸凍千船雪巖陰

一寺雲夜燈江北見寒磬浦西聞鶴嶺煙霞在

歸期不羨君

下九十六

續下十八 閑居孟夏即事

綠樹蔭青苔柴門臨一作向水開簟涼初熟麥枕膩

潤一作乍經梅魚躍海風一作雲起鼉鳴江雨來佳人竟

何處一作期日夕上樓臺今已晚

下九十九

續下十九 題灞西駱隱士

磻溪連灞水商嶺接秦山青漢不回駕白雲長

下二百

續下三十一 溪亭二首

尉悠悠城市間

一作空掩關雀喧知鶴靜鳧戲識一作覺鷗閑却笑南昌

溪亭四面山橫柳半溪灣蟬響塘螂急魚深翡

翠閑水寒留客醉月上與僧還猶戀蕭蕭竹西

齋未掩關

暖枕眠溪柳僧齋昨夜期茶香秋夢後松韻晚

吟時共戲魚翻藻爭棲鳥墮枝重陽應一醉栽

菊助東籬

下百二

續下三十二 秋日出闕題潼關驛樓

下百三

紅葉晚蕭蕭長亭酒一瓢殘雲歸太華踈雨過  
一作落中條樹色隨關迴河聲入海遙帝鄉明日到  
猶自夢漁樵別本作行次潼關逢魏扶東歸首句云南北斷逢  
飄下五句並同卒章云勞歌此分首風急馬蕭蕭

續下二十三

吳門送客早發

吳歌咽深思楚客怨歸程寺曉樓臺迴一作鐘江  
聲遠

秋管吹清早朝低水檻殘月下山城惆悵回舟

日湘南春草生

下百四

續下二十四

送太昱禪師

禪床深竹裏心與徑山期結社多高客登壇盡  
小師早秋歸寺遠新雨上灘遲別後江雲碧南

下百五

齋一首詩

續下二十五

旅懷

征車一作輪何軋軋南北極天涯孤枕易為客遠書

難到家鄉連雲外樹城閉月中花猶有扁舟思

一作興前年別若耶

下百六

續下二十六

南亭與首公讌集

秋來水上亭幾處似巖扃戲鳥翻紅葉游龜帶  
綠萍管絃心戚戚羅綺鬢星星行樂非吾事西

齋尚有螢

下百七

續下二十七

早發壽安次永壽渡



東西車馬塵鞞洛與咸秦山月夜行客水煙朝  
渡人樹涼風浩浩灘淺石磷磷會待功名就扁  
舟寄此身

下頁  
續下二八 泊松江渡

漠漠故宮地月涼風露一作幽雞鳴荒戍曉一作鴈

過古城秋楊柳北歸路蒹葭南渡舟去鄉今已

遠更上望京樓

下頁九  
續下二九 送魚思別處士歸有懷

讌罷衆賓散一作送長歌攜一枝溪亭相送遠山郭

獨歸遲風檻夕雲散月軒寒露滋病來雙鬢白

不是舊離時

續下三十一 重經姑蘇懷古二首此下八十三首宋本闕

越兵驅綺羅越女唱歌宮盡燕聲少臺荒麋

跡多茱萸垂晚一作曉露苗蒼落秋波無復君王醉

滿城顰翠娥

香徑繞吳宮千帆落照中鸛鳴山欲雨魚躍海

多風城帶晚莎綠池連秋蓼紅當年國門外誰

識一作伍負忠一作信

續下三十三 將赴京師留題孫處士山居二首

草堂近西郭遙對敬亭開枕膩江雲起簟涼山

雨來高歌懷地肺遠賦憶天台應學相如志終  
須駟馬回

西巖有高興路僻幾人一作誰知松蔭花開晚一作山

寒酒熟遲游從隨野鶴休息遇靈龜長見隣翁

說容華似舊時

續下三十四 下第寓居崇聖寺感事

懷玉一作土泣京華舊山歸路賒靜依禪客院幽學

野人家林晚鴉爭樹園春蝶護花東門有閑地

誰種邵平瓜

續下三十五 晚發天井關寄李師晦

山在水滔滔流年欲一作惜二毛湘潭歸夢遠燕趙

客程勞露曉紅蘭重雲晴碧樹高逢秋正多感

萬里別同袍

續下三十六 喜遠書

端居換時節離恨隔龍瀧苔色上春閣柳陰移

晚窓寄懷因桂水流淚極楓江此日南來使金

盤魚一作鯉一雙

續下三十七 懷江南同志

南國別經年雲晴波接天蒲深鷓鴣戲花暖鷓

鴟眠竹暗湘妃廟楓陰楚客船唯應洞庭月萬

里共娟娟

續下三十八 洛中秋日

故國無歸處官閑憶遠遊吳僧秣陵寺楚客洞庭舟久病先知雨長貧早覺秋壯心能幾許伊水更東流

續下三十九

將赴京師蒜山津送客還荆渚

樽前萬里愁楚塞與皇州雲識瀟湘雨風知鄠杜秋潮平猶倚棹月上更登樓他日滄浪水漁歌對白頭一作仍

續下四十

潼關蘭若

來往幾經過前軒枕大河遠帆春水闊高寺夕陽多蝶影下紅藥鳥聲喧綠蘿故山歸未得徒

詠採芝

一作薇歌

續下四十一

翫雪寄河南尹劉大夫

艷陽無處避皎潔不成容素質添瑤水清光散玉峯眠鷗猶戀草棲鶴未離松聞在金鑾望一作賞羣仙對九重

續下四十二

陪越中使院諸公鏡波館餞明台裴鄭

二使君

傾幕來華館淹留二使君舞移清夜月歌斷碧

空雲海郡樓臺接江船  
劔戟分明時自騫  
翦無復歎離羣

續下四十三 春泊弋陽

江行春欲半孤枕弋陽隄  
雲暗猶飄雪潮寒未  
應溪飲猿聞棹散飛鳥背  
船低此路成幽絕家  
山輦洛西

續下四十四 晨別脩然上人

吳僧誦經罷敗衲倚蒲團  
鐘韻花猶斂樓陰月  
向殘晴山開殿響秋水捲  
簾寒獨恨孤舟去千  
難復萬難

續下四十五 送客江行

蕭蕭蘆荻花郢客獨辭家  
遠棹依山響危檣轉  
浦斜水寒澄淺石潮落漲  
虛沙莫與征徒望鄉  
園去漸賒

續下四十六 將歸塗口宿鬱林寺道玄上人院二首

西巖一磬長僧起樹蒼蒼  
開殿洒寒水誦經焚  
晚香竹風雲斷散杉露月  
猶光無復重來此歸  
舟凌夕陽

春尋採藥翁歸路宿禪宮  
雲起客眠處月殘僧  
定中藤花深洞水榭一作松  
葉滿山風清境不能住

朝朝慙遠公

續下四十六 題宣州元處士幽居

潺湲遶門水未省濯纓塵鳥散千巖曙蜂來一  
逕春杉松還待客芝朮不求人寧學磻溪叟逢  
時罷隱淪

續下四十九 送李秀才

南樓送郢客西郭見荆門鳧鵠下寒渚牛羊歸  
遠村蘭舟倚行棹桂酒掩餘樽重此一留宿前  
村煙水昏

續下五十一 題倪處士舊居

儒翁九十餘舊向此中居生寄一壺酒死留千  
卷書檻摧新竹少池淺故蓮踈但有子孫在帶

經還荷一作自鋤

續下五十一 贈梁將軍

曾經黑山一劔出重圍年長窮書意時清隱  
釣磯一作戰機高齋雲外住瘦馬月中歸唯說鄉心苦  
春風鴈北飛

續下五十二 春望思舊游

適意一作何處極春日南臺披薜蘿花光晴漾漾山色  
畫我我湘水一作渚美人遠信一作漢陵豪客多唯憑一

瓢酒彈瑟縱高歌

續下五十四 病中二首

三年嬰一作酒渴高卧似袁安秋色鬢應改夜涼

心已寬風衣藤簟滑露井竹床寒卧憶郊扉月

恩深未挂冠

私一作欲歸人暫適一作靜扶杖遶西林風急柳溪響露

寒莎逕深一身仍白髮萬慮只丹心此意無言

處高窓托素琴

續下五十五 姑熟官舍寄汝洛友人

官靜亦無能平生少面朋務開一作閑唯印吏公退

只棊僧藥鼎初寒火香一作畫龕欲夜燈安知北溟

水終日送搏鵬

續下五十六 恩德寺

樓臺橫復重猶有半巖空蘿洞淺深水竹廊高

下風晴山踈雨後秋樹一作聲斷雲中未盡平生意

孤帆又向東

續下五十七 天竺寺題葛洪井

羽客鍊丹井井留一作存人已無舊泉青石下餘一作移

甃碧山隅雲朗鏡開匣月寒冰在壺仍聞釀仙

一作春酒此水一作味過瓊醪

續下五十八 朗上人院晨坐

簞涼襟袖清  
日沒尚殘星  
山果落秋院  
水花開曉庭  
踈藤風嫋嫋  
圓桂露冥冥  
正憶江南寺  
巖齋聞誦經

續下五十九 送客歸湘楚

無辭一杯酒  
昔日與君深  
秋色換歸鬢  
曙光生別心  
桂花山廟冷  
楓樹水樓陰  
此路千餘里  
應勞楚客吟

續下六十 過故友舊居

往年公子宅  
夜宴樂難忘  
高竹動踈翠  
早蓮一作荷

飄暗香珠門  
凝寶瑟綺席  
遞華觴一本作門人凝寶瑟坐客遞華觴

今日皆何處  
閉門春草長一作荒

續下六十一 送客歸峽中

津亭多別離  
楊柳半無一作枯枝  
住接猿啼處  
行逢

鴈過時江風  
颺帆急山月  
下樓遲還就  
西齋宿

煙波勞夢一作所思

續下六十二 題冲沼上人院

鬪一作斷石種松一作杉子  
數根一作株侵杳冥  
天寒猶講律

雨暗尚一作亦尋經  
小殿燈千盞  
深爐水一瓶  
碧雲

多別思休到望溪一作亭  
一作亦

續下六十三 和畢負外雪中見寄

仙署掩清景雪華松桂陰夜凌瑤席宴春寄玉  
京吟燭晃垂羅幕香寒重繡衾相思不相訪煙  
月剡溪深

續下六十四 春醉

酒釀花一樹何暇卓文君客坐長先飲公閑半  
已醺水鄉春足雨山郭夜多雲何以參禪理榮  
枯盡不聞

續下六十五 題岫上人院

病客與僧閑頻來不掩關高窓雲外樹踈磬雨

中山離索秋蟲響登臨夕鳥還心知落帆處明  
月澗河灣

續下六十六 送客南歸有懷

綠水暖青蘋湘潭萬里春瓦樽留海客銅鼓賽  
江神避雨松一作歸楓岸看雲楊一作漾柳津長安一杯  
酒座上有歸人

續下六十七 李生棄官入道因寄

西巖一徑通一作千巖路不窮知學一作訪採芝翁寒暑丹心外  
光陰白髮中水深魚避釣雲迴鶴辭籠坐想還  
家日人非井邑空



續下六  
長興里夏日南隣避暑

侯家一作門大道旁蟬噪樹蒼蒼開鍊洞門遠下簾

賓一作高館涼欄圍紅藥盛架引綠蘿長永日一歌

枕故山雲水一作外鄉

續下六  
送韓校書

恨與前歡隔愁因此會同跡高芸閣吏名散雪

樓翁城閉三秋雨帆飛一夜風酒醒鱸膾美應

在竟陵東

續下七  
秋晚登城

城高不可下永日一登臨曲檻涼飈急空樓

照深葦花迷夕棹梧葉散秋砧謾作歸田賦蹉

跬歲欲陰

續下七  
江西鄭常侍赴鎮之日有寄因酬和

來暮亦何愁金貂在鷁舟旆隨寒浪動帆帶夕

陽收布令滕王閣裁詩郢客樓即應歸鳳詔中

外贊天休

續下七  
蒙河南劉大夫見示與吏部張公喜雪

酬唱輒敢攀和

風度龍山暗雲凝象闕陰瑞花瓊樹合仙草玉

苗深欲醉梁王酒先調楚客琴即應攜手去將

此助商霖

續下七十三

下第送宋秀才游岐下楊秀才還江東

年來不自得一望幾傷心風轉蕙蘭色月移松

桂陰馬隨

一作

邊草遠帆落海雲深明且各分手

一作從此無鄉別

更聽梁甫吟

續下七十四

南亭偶題

城下水滌迴潮衝野艇來鳥驚山果落龜泛綠

萍開白首書千卷朱顏酒一杯南軒自流涕不

是望燕臺

續下七十五

與裴秀才自越西歸阻凍登丘山寺

春草越吳間心期旦夕還酒鄉逢客病詩境遇

僧閑倚棹冰生浦登樓雪滿山東風不可待歸

鬢坐

一作斑斑

續下七十六

太和初靖恭里感事

後有聞宋相公申錫下世一篇辭旨略同但七言少異耳

清湘弔屈原垂淚擷蘋蘩訪起乘軒鶴機沈在

檻猿軋坤三事貴華夏一夫寃寧有唐虞世心

知不為言

續下七十七

與侯春時同年南池夜話

蘆葦暮脩脩溪禽上釣舟露涼花斂夕風靜竹

含秋素志應難契清言豈易求相歡一瓢酒明

醉西樓

續下七六 廣陵送剡縣薛明府赴任

車馬楚城壕清歌送濁醪露花羞別淚煙草讓  
歸袍鳥浴春塘暖猿吟暮嶺高尋仙在仙骨不  
用廢牛刀

外三十七 游果晝二僧院

何必老林泉冥心便是禪講時開院去齋後下  
簾眠鏡朗燈分焰香銷印絕煙真乘不可到雲  
盡月明天

外三十六 題官舍

燕鴈水鄉飛京華信自稀簞瓢貧守道書劒病  
忘機疊鼓吏初散繁一作疎鐘鳥獨歸高梧與一作疎一作煙  
柳風雨似郊扉

外三十九 酬報先上人登樓見寄上人自峽而來

丹葉下西樓知君萬里愁鐘非黔峽寺帆是敬  
亭舟山色和雲暮湖光共月秋天台多道侶何  
惜更南遊

外四十 曉過鬱林寺戲呈李明府

身閑白日長何處不尋芳山崦登樓寺溪灣泊  
晚航一作洞花蜂聚蜜巖柏麝留香若指求仙路

劉郎學阮郎

外四十一

泛舟尋鬱林寺道玄上人遇雨而返困

寄

禪扉倚石梯雲濕雨淒淒草色分松徑泉聲咽

一作溢稻畦棹移灘鳥沒鐘斷嶺猿啼入夜花如雪

迴舟憶剡溪

外四十二

鬱林寺

臺殿冠峩峩春來日日過水分諸院少雲近上

方多衆籟凝絲竹繁英耀綺羅酒酣詩自逸乘

月棹寒波

外四十三

題崇聖寺

寺即故宮也

西林本行殿池榭日坡陀雨過水初漲雲開山

漸多曉街垂御柳秋院閉宮莎借問龍歸處鼎

湖空碧波

外四十四

贈高處士

宅前雲水滿高興一書生垂釣有深意望山多

遠情夜棋留客宿春酒勸僧傾未作干時計何

人問姓名

外四十五

送僧歸金山寺

老歸江上寺不忘去聲舊師恩駐錫逢山色停杯

一作見浪痕秋濤吞楚驛曉月上荆門爲訪題詩處莓苔幾字存

外四十六 金谷桃花

花在舞樓空年年依舊紅淚光停曉露愁態倚春風開處妾先死落時君亦終東流三兩片應在一作到夜泉中

外四十七 憶長洲

香徑小船通菱歌遶故宮魚沈秋水靜鳥宿暮山空荷葉橋邊雨蘆花海上風歸心無處托高枕畫屏中

外四十八 再寄殷堯藩秀才

直道知難用經年向水濱宅從栽竹貴家爲買書貧就學多新一作名客登朝盡故人蓬萊自有路莫羨武陵春

外四十九 題鄒處士隱居

桑柘滿江村西齋對海門浪衝高岸響潮入小池渾巖樹蔭棋局山花落酒樽相逢亦一作相留宿一作歡更

還似識王孫

外五十 送僧歸敬亭山寺

十年劔中路傳盡本師經曉月下黔峽秋風歸

敬亭開門新樹綠登閣舊山青遙想論禪處松  
陰水一瓶

外五十一 新卜原上居寄袁校書

貧居樂游此江海思迢迢雪夜書千卷花時酒  
一瓢獨愁秦樹老孤夢楚山遙有路應相念風  
塵滿黑貂

外五十二 天街曉望

明星一作曉低未央蓬闕迴蒼蒼疊鼓催殘月踈鐘  
迎早霜關防浮瑞氣宮館耀神光再拜爲君壽  
南山高且長

外五十三 江上喜洛中親友繼至

戰馬昔紛紛一作商河濱風驚嵩少塵全家南渡遠舊  
友北來頻罷酒松筠晚賦詩楊柳一作蘭杜春誰一作言  
今夜月同是洛陽人一作何

外五十四 下第歸朱方寄劉三復

素衣京洛塵歸棹過南津故里跡猶在舊交心  
更親月高蕭寺夜風暖庾樓春詩酒應無暇朝  
朝問旅人

外五十五 送客歸吳興

綠水棹雲月洞庭歸路長春橋懸酒幔一作夜柵

集茶檣箬葉沈溪暖蘋花遶郭香應逢柳太守  
爲說過瀟湘

外五十六 月夜期友人不至

坐待故人宿月華清興秋管絃誰處醉池館此  
時愁風過渚蒲動露含山桂幽孤吟不可一作曙  
昨夜共登樓

外五十七 白馬寺不出院僧

禪心空已寂世路仕多岐到院客長見閉關人  
不知寺喧聽講絕厨遠送齋遲牆外洛陽道東  
西無盡時

外五十八 寄袁都校書

擾擾換時節舊山琪樹陰猶乖青漢志方一作負  
白雲心廣陌埃塵遠重門管吹深勞歌極西望  
芸省有知音

外五十九 贈柳璟馮陶二校書

霄漢兩飛鳴喧喧動禁城桂堂同日盛芸閣閒  
年榮香掩蕙蘭氣韻高鸞鶴聲應憐茂陵客未  
有子虛名

外六十 王秀才自越見訪不遇題詩而迴因以  
酬寄

南齋知數宿半爲木蘭開晴閣留詩遍春帆載  
酒回煙深楊子宅雲斷越王臺自有孤舟興無  
妨更一來

外六十一

秋霽潼關驛亭

霽色明高巘關河獨望遙殘雲歸太華疎雨過  
中條鳥散綠蘿靜蟬稀紅樹凋何言此時節去  
去任蓬飄

外六十二

送客歸蘭溪

婺州屬邑

花下送歸客路長應過秋暮隨江鳥宿寒共嶺  
猿愁衆水喧巖瀨羣峯抱沈樓因君幾南望曾

向此中遊

外六十三

貽終南山隱者

中巖多少隱提榼抱琴游潭冷薜蘿晚山香松  
桂秋瓢閑高樹掛杯急曲池流獨有迷津客東  
西南北愁

外六十四

送李文明下第鄜州覲兄

征夫天一涯醉贈別君詩鴈迴參差遠龍多次  
第遲審歌還夜苦宋賦更秋悲的的遙相待清  
風白露時

外六十五

送段覺歸東陽兼寄竇使君

東陽婺州屬邑



比誤此也誤宅

山水引歸路陸郎從此諳秋茶垂露細寒橘帶  
霜甘臺倚烏龍嶺樓侵白鴈潭沈公如借問心  
斷淝河南烏龍嶺白鴈潭地名在嚴州沈約曾守婺以此寶使君也

外六六 韶州送寶司直出嶺一本作出嶺作此歸

江曲山如畫貪程亦駐舟果隨巖狹音柚鼠屬善旋落槎

帶水禽流客散他鄉夜人歸故國秋樽前掛帆

去風雨下一作西樓秋音柚鼠屬善旋

外六七 傷馮秀才

旅葬不可問茫茫西隴頭水雲一作煙青草濕山月

白楊愁一作秋琴信有時罷劔傷無處留淮南舊煙

月孤棹更逢秋一作淮南今夜月孤棹倚西樓

外六八 送鄭寂上人南行

儒家有釋子年少學支公心出是非外跡辭榮

辱中錫寒秦嶺月杯急楚江風唯怨故園思小

秋梨葉紅

外六九 贈王處士

歸卧養天真鹿裘烏角巾茂陵閑久病彭澤醉

長貧冠蓋西園夜笙歌北里春誰憐清渭曲一作

又老釣魚人

外七十 送友人歸荆楚

調瑟勸離酒苦諳荆楚門竹斑悲帝女草綠怨  
王孫潮落九疑迴雨連三峽昏同來不同去迢  
遞更傷覓元疑山名

五言絕句五首

外七十一 長安早春

雲月有歸處故山清洛南秦城一花發春夢遍

一作滿江潭

下三十四 外七十二 塞下

夜戰桑乾北一作雪秦兵半不歸朝來有鄉信猶自

寄征衣

下七十 外七十三 思天台

赤城雲雪深山客負歸心昨夜西齋宿月明琪  
樹陰

下三十三 外七十四 聞歌

新秋絃管清時轉遏雲聲曲盡不知處月高風  
滿城

下四十三 外七十五 雨中憶湖山居

前山風雨涼歇馬坐垂楊何處芙蓉落南渠秋  
水香

散體詩

五言一首

寄郴州李相公宋本闕

高樓王與謝逸韻比南金不遇銷憂日埃塵誰  
復尋曠懷淡得喪失意縱登臨彩檻浮雲迴綺  
窓明月深虬龍歷滄海鴛鴦思鄧林青雲傷國  
語一作器白髮軫鄉心功高恩自治道直謗徒侵應  
笑靈均恨江畔獨行吟

集外遺詩終

增廣音註唐鄧州刺史丁卯詩集卷下  
丁卯詩集卷下

此書宋本全先歲有一本註別本多屬全圖固有義內安生

丁卯詩續集

遺篇

五言

十韻一首 律二十三首 絕句一首

奉命和後池十韻

疊石通溪水量波失舊規芳洲還屈曲朱閣更  
逶迤浴鳥翻荷葉驚蟬出柳絲翠煙秋檜聳紅  
露曉蓮披攀檻登樓近停橈待客遲野橋從浪  
沒輕舸信風移竹韻遷碁局松陰遞酒卮性閑  
鷗自識心遠鶴先知應想秦人會休懷越相祠

當期穆天子簫鼓宴瑤池

卜居招書侶

憶昨一作意壯

未知道臨川每羨魚世途行處見人事

病來踈微雨秋栽竹孤燈夜讀書憐君亦同志

晚歲傍山居

憐君疑隣居

西山草堂

何處少人事西山舊草堂晒書秋日晚洗藥石

泉香浚嶺有朝雨北窻生夜涼從勞問歸路峯

疊遶家鄉

浚嶺有疑後嶺看

贈隱者

回報隱居

一作名

士莫愁山興闌求人顏色盡知道

性情寬信譜彈琴誤綠

一作沿

崖劔藥難東臯亦自

給殊愧遠相安

舟次武陵寄天竺僧無晝

谿長山幾重十里萬株松秋日下丹檻暮雲歸

碧峯樹棲新放鶴潭隱舊降龍還在孤舟宿卧

聞初夜鐘

寄小弟

江城紅葉盡旅思復悽傷孤夢家山遠獨眠秋

夜長道存空倚命身賤未歸鄉南望空垂淚天

邊鴈一行

秋日

有計自安業秋風罷苦吟買山兼種竹對客更  
彈琴煙起藥園晚杵聲松院深閑眠得真性惆  
悵舊時心

征西舊卒

少年乘勇氣百戰過烏孫力盡邊城難功添上  
將恩曉風聽戍角殘月倚營門自說輕生處金  
瘡有舊痕

石池

通竹引泉脉泓澄斂石盆驚魚翻藻葉浴鳥止

松根殘月留

一作斜  
日回

山影高風耗水痕誰家秋洗

藥來往自開

一作  
關門

贈裴處士

爲儒白髮生鄉里早聞名暖酒雪初下讀書山  
未一作  
欲明字形翻鳥跡詩調合猿聲門外滄浪水  
知君欲濯纓

贈遷客

無機還得罪直道不傷情微雨昏山色疎籠閉  
鶴聲閑居多野客高枕見江城門外長溪水憐

君又濯纓

留題李侍御書齋

昔話平生志高齋曾見留道孤心易感恩重力  
難酬獨立千峯曉頻來一葉秋鷄鳴應有處不  
覺淚空一作潛流

行次白沙館先寄上河南王侍御

夜程何處宿山疊樹層層孤館閉秋雨空堂停  
曙燈歌慙漁浦客詩學鴈門僧此意一作去無人識

明朝見李膺

侍御嘗任河南少尹

重哭楊攀處士二首

自號綠雲翁

綠雲多學古黃髮竟無成酒縱山中性詩留海

一作世

上名讀書新樹老

一作末

垂釣舊磯平今日悲前

事西風哭

一作聞哭聲

從官任直道幾處脫長裾歿後兒猶小葬來人

漸踈隣家

一作翁

占池館門

一作長

吏覓圖書身賤難相

報平生恨有餘

一作無復前秋事空齋賦子虛

紫藤

綠蘿縈數匝本在草堂間秋色寄高樹晝陰籠

遠一作舊山移花踈處種劬藥困時攀日暮微風起

難尋舊徑一作路還

宿東橫小瀨

孤舟路漸賒時見碧桃花溪雨灘聲急巖風樹  
勢斜獼猴懸弱蔓鷓鴣睡橫槎謾向仙林宿無  
人識阮家

松江懷古

故國今何在扁舟竟不歸雲移山漠漠江闊樹  
依依晚色千帆落秋聲一鴈飛此時兼送客凭  
檻欲沾衣

暝投靈智寺渡谿不得却取沿江路往

雙巖瀉一川回馬斷橋前古廟陰風地寒鐘暮

雨天沙虛留虎跡水滑帶龍涎却下臨江路潮  
深無渡船

下第歸蒲城墅居

失意歸三徑傷春別九門薄煙楊柳路微雨杏  
花村牧豎還呼犢隣翁亦抱孫不知余正苦迎  
馬問寒溫

重賦鷺鷥

何年去此地一作如何長在楚南浦滿鳧雛雲漢知心遠林

塘覺思孤低飛下晚樹獨睡一作宿映新蒲爲爾多

歸興前年在一作別五湖

途中寒食

處處哭聲悲  
行人馬亦遲  
店閑無火日  
村暖斫桑時  
泣路同楊子  
燒山憶介推  
清明明日是  
甘負故園期

深春

此下三首或作趙嘏詩

故里千帆

一作山

外深春一鴈飛  
千名頻慟哭

一作謀身堪自哭

將老欲何歸  
未穀拋還憶  
交親晚更

一作見

稀空持

一作餘

望鄉淚沾酒  
寄來衣

未疑米

歲首懷甘露  
寺自省上人

上人有戰功

心悟覺身勞  
雲中棄寶刀  
久閑生胫肉  
多壽長

眉毫客棹春潮急  
禪齋暮雪

一作雨

高南濡一回首

山碧水滔滔

寓居崇聖寺送客南浦

野寺薜蘿晚  
官渠楊柳春  
歸心已無限  
更送洞庭人

七言

律一十首 絕句七首

西河送客歸江南

西河陳事已堪傷  
南客秋歸路更長  
臺畔偃松悲魏帝  
苑邊脩竹弔梁王  
兩行露變茱萸色  
水



宿風搖菡萏香遙羨落帆逢舊友綠娥青鬢醉  
橫塘

東陵赴京道病東歸寓居開元寺寄盧  
貞外宋魏二先輩

西風吹兩鴈初時病寄僧齋罷獻書萬里咸秦  
勞我馬四隣松桂憶吾廬滄洲有約心還靜青  
漢無媒跡自疎不是醉眠愁不散莫言琴酒學  
相如

聞開江宋相公申錫下世二首

權門陰奏奪移才而逸切騎如星墮峽來晁氏

傳騎也

有恩忠作禍賈生無罪直爲災貞魂誤向崇山  
歿冤氣疑從汨一作相水回畢竟功成何處是五湖  
雲月一帆開

月落湘潭一作清相棹不喧玉杯瑤瑟奠蘋蘩誰能力

制乘時鶴自取機沉在檻猿位極軋坤三事貴  
謗興華夏一夫冤宵衣旰食明天子日伏青蒲  
不敢言

此一首與下卷五言太  
和初靖恭里感事同

贈所知

因釣鱸魚住淝河挂帆千里亦相過茅簷夜醉  
平階月蘭棹春歸拍岸波湖日似陰鼉鼓響海

雲纔起蜃樓多明時又作閑居賦誰薦東門策  
四科

謝人贈鞭

蜀國名鞭見惠稀駑駘從此長光輝獨根擁腫  
來雲岫紫陌提攜在繡衣幾度拂花香裏過也  
曾敲鞞月中歸莫言三尺長無用百萬軍中要  
指揮

殘雪

憶昨新春霰雪飛堦前簷上鬪寒姿狂風送在  
竹深處隔日未消花發時輕歷嫩蔬旁出土冷  
衝幽鳥別尋枝晚來又喜登樓見一曲高歌和  
者誰

早秋寄劉尚書

天生心識富人侯將相門中第一流旗纛早開  
擒虎帳戈鋌初發斬鯨舟柳營書號海山暝菌  
閣賦詩江樹秋昨夜雨涼今夜月笙歌應醉最  
高樓

及第後春情

世間得意是春風散誕經過觸處通細搖柳臉  
牽長帶慢撼桃株舞碎紅也從吹幌驚殘

音檢眼  
臉也

夢何處飄香別故叢猶以西都名下客今年一月始相逢

歸長安

三年何處淚汎瀾白帝城邊曉角殘非是無心戀巫峽自緣臂到長安黔江水暖還曾飲楚岫雲深未識寒大抵莫教聞雨後此時腸斷不應難

七言絕句

夜泊松江渡寄友人

清露白雲明月天與君齊棹木蘭船南湖風雨

一相失夜泊橫塘心渺然

記夢 并序

余嘗夢登山有宮室凌雲人云此崑崙也見數人方欲招之至暮而罷因賦是詩以記焉

曉入瑤臺露氣清座中唯有許飛瓊塵心未盡

俗緣在十里下山 一作山前 空月明

寄雲際寺敬上人

萬山秋雨水縈迴紅葉多從紫閣來雲冷竹齋禪衲薄已應飛錫入天台

客有卜居不遂薄游汧隴因題

海燕西飛白日斜  
天門遙望五侯家  
樓臺深鎖無人到  
落盡東風第一花

宿威一作威宜觀

羽袖飄飄香一作香夜風翠幢歸殿  
玉壇空步虛聲

盡天未一作將曉雲歷桃花月滿宮

外三十四謝亭送客

勞歌一曲解行舟  
紅樹青山水急流  
日暮酒醒人已遠  
滿天風雨下西樓

陳宮怨

風暖江頭一作城白日遲  
昔人遺事後人悲  
草生官

闕國無主玉樹後  
庭花為誰

湘南官

蘭園無主正堪遊

丁卯詩續集

拾遺

五言

律詩一十六首

尋周鍊師不遇留贈

閉門池館靜云訪紫芝翁  
零落槿花雨參差荷  
葉風夜碁全局在春酒  
半壺空長嘯倚西閣悠  
悠名利中

題灞西駱隱居 第二篇

志凌三蜀客心愛五湖人  
拚死酒中老謀生書

外貧掃花眠石榻  
擣藥轉溪輪  
往往乘黃犢  
鹿裘烏角巾

旅夜懷遠客

異鄉多遠情  
夢斷落江城  
病起慙書癖  
貧家負酒名  
過春花自落  
竟曉月空明  
獨此一長嘯  
故人天際行

秋夜擢舟訪李隱君

望月憶披襟  
長溪柳半陰  
高齋初釀酒  
孤棹遠攜琴  
犬吠秋山迴  
鷄鳴曉樹深  
開門更欹枕  
誰識野人心

南陵留別段氏兄弟

不知身老大  
猶似舊時狂  
爲酒游山縣  
留詩過草堂  
歸期春未盡  
離恨日偏長  
更羨君兄弟  
參差鴈一行

卧病寄諸公

飛蓋集蘭堂  
清歌遞柏觴  
高城榆柳蔭  
虛閣芟荷香  
海月秋偏靜  
山風夜更涼  
自憐書萬卷  
扶病對螢光

苦雨

山昏天半晴  
南陌絕人行  
葭菼連雲色  
杉松共

雨聲早秋仍燕舞深夜更鼉鳴爲報迷津客訛  
言未可輕

寓崇聖寺懷李校書

幾日卧南亭卷簾秋月清河關初罷夢池閣更  
合情寒露潤金井高風飄玉箏前年共游客刀  
筆事戎旌

秋日行次關西

金風蕩天地關西羣木凋早霜雞喔喔殘月馬  
蕭蕭紫陌秦山近青楓楚樹遙還同長卿志題  
字滿河橋

酬殷堯藩秀才

相如愧許詢寥落向溪濱竹馬兒猶小荆釵婦  
慣貧獨愁憂過日多病不如人莫怪青袍選長  
安隱舊春

旅中別姪暉

相見又南北中宵淚滿襟旅游知世薄貧別覺  
情深歌管一樽酒山川萬里心此身多在路休  
誦異鄉吟

山居冬夜喜魏扶見訪因贈

霜風露葉下遠思獨徘徊夜久草堂靜月明山

客來遣貧相勸酒憶字共書灰何事清平世干  
名待有媒

喜李詡秀才見訪因贈

浙南分首日誰謂別經時路遠遙相訪家貧喜  
見知不須辭小酌更請續新詩但得心中劔酬  
恩會有期

晚投慈恩寺呈俊上人

與上卷暝投靈智  
寺詩同止易三句

雙巖瀉一川十里絕人煙古廟陰風地寒鐘暮  
雨天沙虛留虎跡水滑帶龍涎不及曹溪侶空  
林已夜禪

行次虎頭巖酬寄路中丞

樟亭去已遠來上虎頭巖灘急水移棹山回風  
滿帆石梯迎雨滑沙井落潮鹹何以慰行旅如  
公書一緘

送荔浦蔣明府赴任

路長春欲盡歌怨酒初酣白社蓮宮北青袍桂  
水南驛行盤鳥道船宿避龍潭真得詩人趣煙  
霞處處諳

送從兄歸隱藍溪

第二篇已見下卷



送蘇甫韓明叔赴并

公書一編

蕭州以對時雨散少共蒼臆  
何以慰并旅  
對車去日遠來土氣  
匪羸羸急水  
蘇幹山回風  
行次  
與羸羸  
寄祖中丞

丁卯詩續補

五言

律一十首

過鮑溶宅有感

寥落故人宅重來身已亡  
古苔殘墨沼深竹舊  
書堂秋色池塘靜  
雨聲雲木涼無因展交道日  
暮倍心傷

懷政禪師院

山齋路幾層  
敗衲學真乘  
寒暑移雙樹  
光陰盡一燈  
風飄高竹雪  
泉漲小池冰  
莫訝頻來此脩

身欲到僧

秋夕有懷

念遠坐西閣華池涵月涼書回秋欲盡酒醒夜  
初長露白蓮衣淺風清蕙帶香前年此佳景蘭  
棹醉橫塘

秋霽寄遠

初霽獨登賞西樓多遠風橫煙秋水上踈雨夕  
陽中高樹下山鳥平蕪飛草蟲唯應待明月千  
里與君同

聞范秀才自蜀游江湖

蜀道下湘渚客帆應不迷江分三峽響山並九  
華齊秋泊鴈初宿夜吟猿乍啼稀時慎行李莫  
到石城西

惜春

花開又花落時節暗中遷無計延春日可能留  
少年小蘂初散蝶高柳即聞蟬繁艷歸何處滿  
山啼杜鵑

題愁

聚散竟無形迴腸百結成古今銷不得離別覺  
潛生降將軍思窮秋遠客情何人更憔悴落

第泣秦京

鴛鴦

兩兩戲沙汀長疑畫不成錦機爭織樣歌曲愛  
呼名好顧栖息堪憐泛淺清鳧鷖皆爾類唯  
羨獨含情

聞鴈

帶霜南去鴈夜好宿汀沙驚起向何處高飛極  
海涯入雲聲漸遠離岳路猶賒歸夢當時斷參  
差欲到家

不寢

到曉不成夢思量堪白頭多無百年命長有萬  
般愁世事應難盡營生卒未休莫言名與利名  
利是身雙

七言

律十九首

經古行宮

臺閣參差倚太陽年年花發滿山香重門勘鎖  
青春晚深院垂簾白日長草色芊綿侵御路泉  
聲嗚咽繞宮墻先皇一去無迴駕紅粉雲鬟空  
斷腸

秋晚懷茅山石涵村舍

十畝山田近石涵村居風俗舊曾諳簾前白艾  
驚春燕籬上青桑待晚蠶雲暖採茶來嶺北月  
明沽酒過溪南陵陽秋盡多歸思紅樹蕭蕭覆  
碧潭

貴游

朝回佩馬早淒淒年少恩深衛霍齊斧鉞舊威  
龍塞北池臺新賜鳳城西門通碧樹開金鎖樓  
對青山倚玉梯南陌行人盡回首笙歌一曲暮  
雲低

贈別

眼前迎送不曾休相續輪蹄似水流門外若無  
南北路人間應免別離愁蘇秦六印歸何日潘  
岳雙毛去值秋莫怪分襟銜淚語十年耕釣憶  
滄洲

秋夜與友人宿

楚國同游過十霜萬重心事幾堪傷蒹葭露白  
蓮塘淺砧杵夜清河漢涼雲外山川歸夢遠天  
涯岐路客愁長寒城欲曉聞吹笛猶卧東軒月  
滿牀

將赴京留贈僧院

九衢塵土遞追攀馬跡軒車日暮間  
玄髮盡驚爲客換白頭曾見幾人閑  
空悲浮世雲無定多感流年水不還  
謝却從前受恩地歸來依止叩禪關

寄湘中友人

莫戀醉鄉迷酒盃流年長怕老年催  
西陵水闊魚難到南國路遙書未回  
匹馬計程愁日盡一蟬何事引秋來  
相如已定題橋志江上無由夢釣臺

江上逢友人

故國歸人酒一盃暫停蘭棹共徘徊  
村連三峽暮雲起潮送九江寒雨來  
已作相如投賦計還憑殷浩寄書回  
到時若見東籬菊爲問經霜幾度開

金谷懷古

淒涼遺跡洛川東浮世榮枯萬古同  
桃李香消金谷在綺羅翬斷玉樓空  
往年人事傷心外今日風光屬夢中  
思量今日英雄事身到簪裾已白頭

末二句係脫誤

經行廬山東林寺

離魂斷續楚江壩葉墜初紅十月天紫陌事多  
難數悉青山長在好閑眠方趨上國期干祿未  
得空堂學坐禪他歲若教如范蠡也應須入五  
湖煙

途中逢故人話西山讀書早曾游覽

西崑曾到讀書堂穿竹行沙十里強湖上夢餘  
波灑灑嶺頭愁斷路茫茫經過事寄煙霞遠名  
利塵隨日月長莫道少年頭不白君看潘岳幾  
莖霜

將赴京題陵陽王氏水居

簾捲平蕪接遠天暫寬行役到樽前是非境裏  
有閑日榮辱塵中無了年山簇暮雲千野雨江  
分秋水九條煙馬蹄不道貪西去爭向一聲高  
樹蟬

野疑點

冬日五浪館水亭懷別

蘆荻花多觸處飛獨憑虛檻雨微微寒林葉落  
鳥巢出古渡浪高魚艇稀雲抱四山終日在草  
荒三徑幾時歸江城向暝東風急一半鄉愁聞  
擣衣

送別

溪邊楊柳色參差攀折年年贈別離  
一片風帆望已極三湘煙水返何時  
多緣去掉將愁遠猶倚危樓欲下遲  
莫殢酒盃閑過日碧雲深處是佳期

寄遠

兩葉愁眉愁不開獨含惆悵上層臺  
碧雲空斷鴈行處紅葉已凋人未來  
塞外音書無信息道傍車馬起塵埃  
功名待寄凌煙閣力盡遼城不肯回

新柳

無力搖風曉色新細腰爭妬看來頻  
綠陰未覆長堤水金穗先迎上苑春  
幾處傷心懷遠路一枝和日送行塵  
東門外多離別愁殺朝朝暮暮人

旅懷作

促促因吟晝短詩朝驚穠色暮空枝  
無情春色不長久有限年光多盛衰  
往事只應隨夢裏勞生何處是閑時  
眼前擾擾日一日暗送白頭人不知

鴈

萬里銜蘆別故鄉雲飛水宿向瀟湘數聲孤枕  
堪垂淚幾處高樓欲斷腸度日翩翩斜避影臨  
風二直成行年年辛苦來衡岳羽翼摧殘隴  
塞霜

出關

朝纓初解佐江濱麋鹿心知自有羣漢圍獵稀  
慵獻賦楚山耕早任移文卧歸漁浦月連海行  
望鳳城花隔雲關吏不須迎馬笑去時無意學  
終軍

絕句五首

蟬

噪柳鳴槐晚未休不知何事愛悲秋朱門大有  
長吟處剛傍愁人又送愁

紫藤

綠蔓濃陰紫袖低客來留在小堂西醉中掩瑟  
無人會家近江南罨畫溪

越中

石城花暖鷓鴣飛征客春帆秋不歸猶自保郎  
心似石綾梭夜夜織寒衣



送楊發東歸

紅花半落燕于飛同客長安今獨歸一紙鄉書  
報兄弟還家羞著別時衣

外三十五

重別曾主簿

時諸妓同餞

淚沿紅粉濕羅巾重繫蘭舟勸酒頻留却一枝  
河畔柳明朝猶有遠行人

丁卯集外遺詩

對雪

飛舞北風涼玉人歌玉堂簾帷增曙色珠翠發  
寒光柳重絮微濕梅繁花未香茲晨賀豐歲簫  
鼓宴梁王

奉和盧大夫新立假

山

巖谷留心賞爲山極自然孤峯空迸笋攢萼旋  
開蓮黛色朱樓下雲形繡戶前砌塵凝積靄簷  
溜挂飛泉樹暗壺中月花香洞裏天何如謝康  
樂海嶠獨題篇

陪王尚書泛舟蓮池

蓮塘移畫舸泛泛日華清水暖魚頻躍煙秋鴈  
早鳴舞疑迴雪態歌轉遏雲聲客散山公醉風  
高月滿城

泊蒜山津聞東林寺光儀上人物故

雲齋曾宿借方袍因說浮生大夢勞言下是非  
齊虎尾宿來榮辱比鴻毛孤舟千棹水猶闊寒  
殿一燈夜更高明日東林有誰在不堪秋磬拂  
煙濤

和河南楊少尹奉陪薛司空石筍詩

暖溪寒井碧巖前謝傅賓朋盛綺筵雲斷石峯  
高並筍日臨山勢遠開蓮閑留幢節低春水醉  
擁笙歌出暮煙聞道詩成歸已夕柳風花露月  
初圓

和常秀才寄簡歸州鄭使君借猿

謝守攜猿東路長褭藤穿竹似瀟湘碧山初暝  
嘯秋月紅樹生寒啼曉霜陌上楚人皆駐馬里  
中巴客半歸鄉心知欲借南遊侶未到三聲恐  
斷腸

郊園秋日寄洛中友人

楚水西來天際流，感時相或作傷別思悠悠一尊酒。  
盡青山暮千里，書回碧樹秋。日落遠波驚一作宿鴈，風吹輕浪起眠鷗。嵩陽親友誰相念一作如相問，潘岳閑居欲白頭。

獻鄜坊丘常侍

詔選將軍護北戎，身騎白馬臂彤弓。柳營遠識金貂貴，榆塞遙知玉帳雄。秋檻鼓鼙驚朔雪，曉階旗纛起邊風。蓬萊每望平安火，應奏班超定遠功。

寄當塗李遠

賦擬相如詩似陶，雲陽煙月又同袍。車前驥病駑駘逸，架上鷹閑鳥雀高。舊日樂貧能飲水，他時隨俗願鋪糟。不須倚向青山住，詠雪題詩用意勞。

春日思舊遊寄南徐從事劉三復

風暖曲江花半開，忽思京口共銜杯。湘潭雲盡暮山出，巴蜀雪消春水來。此二句與凌歊臺次韻同懷玉尚悲迷楚塞，捧金猶羨樂燕臺。薊門高處極歸思，隴鴈北飛雙燕迴。

洛陽道中

洛陽多舊迹一日幾堪愁風起林花晚月明陵  
樹秋興亡不可問自古水東流

和崔大夫新廣北樓登眺

北望高樓夏亦寒山重水闊接長安脩梁暗換  
丹楹少踈牖全開彩檻寬風捲浮雲披睥睨露  
涼明月墜闌干庾公戀闕懷鄉處目送歸帆下  
遠灘

題陸侍御林亭

野水通池石疊臺五營無事隱雄才松齋下馬  
書千卷蘭舫逢人酒一盃寒樹雪晴紅艷吐遠

山雲曉翠光來定知別後無多日海柳江花次  
第開

西園

西園春已一作欲盡芳草徑難分靜語惟幽鳥閑眠  
獨使君密林生雨氣古石帶苔文雖去清朝遠  
朝朝見白雲以上見文苑英華